

明文奇賞卷之三十三

史官陳仁錫明鄉甫評選書


序

贈南京工部郎中微齋楊先生守鳳翔序

萬恭

專惡帝清
者

今海內民瘵劇甚矣其君子匱于財而小人匱于力患
在不得清白吏治之故得清白吏則民安不得清白吏
則民不安或得清白吏矣又矜其能恃其所長操切法
律肆情敲朴約束長老子弟若囚徒然民亦不得安吁
難矣微齋楊君初任爲縣令連得海寧平湖而在平湖



最久平湖陸五台氏爲予言君清約狀至冠服飲御皆弗備人所不堪應門僅三尺童平湖貴人嘗自京以書抵君君則以粗織一復之再以書抵君加少侑焉君則再以粗織二復之又皆內人力作也夫平湖饒邑也而第以淺淺者與貴人爲禮況下此數倍者乎即淺淺者尚不忍取諸其民而必以其內而足焉况大此數倍者乎君苦節狷介多稱是而性又甚慈與民煦煦若恐傷之其所省徭役蓋十之二三所損去科歛十之七八今復安所得楊平湖也言已蹙然于是楊平湖爲工部郎五年矣大司徒上海潘公喜其清白類已甚重之未幾

有司者廉知君狀舉君爲鳳翔守往年全陝地震陵谷
易位百姓重足莫必旦夕之命盜賊竊發而鳳翔實陝
城股肱郡君今往治鳳翔也將勝之耶抑與我子弟長
老相休息安之也予讀漢史循良傳所載其人旣上法
律而又重寬和旣右節儉而又崇仁恕其若爲大府公
廉問遺無所受請寄無所聽而或操下急如來濕薪者
皆無取焉何者安民之術未盡也君治鳳翔誠盡安民
之術如昔之治平湖即漢史所傳何以加諸彼公廉而
操下急者何足擬也何足擬也君籍東魯而系出崇仁
於予爲桑梓人桑梓人仕南京者則屬予爲楊鳳翔贈

言予乃言曰甚善楊君往哉昔有爲晉侯鼓琴者其聲
泠泠若澗泉焉蛟龍爲之出遊何者清故也有售二璧
于齊王其色相如也其博相如也一者千金一者五百
齊王疑焉王人曰千金者厚倍之故也微齊氏旣鼓晉
侯之琴又售齊王之璧即十鳳翔於楊君也何有

循吏儒吏
皆救時之
吏

序

重刻守令懿範序

徐 枋

少年者談事輒曰巧工不模影大智不襲人斯言過矣
倖班之徒巧矣而莫察規矩韓白稱富智矣亦讀陰符
蓋匪學弗良匪標弗達匪先莫從甚矣範之不可已也
古今天下論官語職率兢兢然推守令爲重以職最親
民海內元元所待哺而須教者與父母等爾夫子有飢
寒必號之父母子有疾苦必號之父母子有冤抑必號
之父母則凡億兆之有飢寒疾苦冤抑者必號之于令
號之于守矣 國陶補守取歷省臺有聲者出其試令

春臺賢守
亦有守蘇
二冊欲梓
之

也多授之釋褐儒生省臺官數持文墨其屑屑刑役諒
非所悉諳儒生平日誦章句高自論說一旦操符宰一
邑雖洞達不無未曉矧此而可無範乎春臺蔡公守吾
蘇卓有蜚譽欲不自滿復取成周迄漢唐宋儒吏若人
循吏若人并核其事加以平章梓之以傳四海嗚呼循
吏難矣儒吏尤難蓋惻朴敦厚者循撫字鞠育者循祛
弊剔蠹補利善後者循而振法肅紀厲威靖難者亦不
失爲循躬率孝弟者儒作興禮樂者儒移風易俗不事
近功者儒知人受善自輔者儒而振武畫令者亦儒儒
吏循吏幾希之間而已均之皆大夫之良也可範也吏

而皆循可以復文景富庶之休。吏而皆儒可以繼成康
熙皞之化。聖天子留意治道將駕文景追成康而躋
之唐虞縉紳士衣紫綰金應宿出宰即持梁鹵肥服反
乘逸非所安矣飾名獵華修容炫俗即次起台鼎志士
赧焉睹茲錄也能不惕然懷往瞿然失席油油然動其
子民之思乎予承乏撫江右江右土瘠賦繁而民貧近
且多盜恫恫惶惶日憂無裨于民以稱上意固不得
不望之十三郡守令也守令朝行惠午即達于閭閻午
行惠夕即達于閭閻予與直指使者及監司使者百有
所爲必藉守令以達守令何多賢哲若一一能如古人

或亦難矣故取蔡公舊刻布之合屬兼與天下共焉固
所以助倕班之巧補韓白之智于萬一也雖然吏治民
猶治疾也是範也猶方也範之懿者方之良者也善鑒
者本活人之心而劑量于茲善治者本仁民之心而化
裁于範要之皆原方寸而足起厓嬴者也苟徒事粉飾
故轍而吾心于民瘼不相關未有能濟者也吾願表民
者不徒存古之懿範而尤當存茲懿心

傳

林貞女傳

吳國倫

貞女名萊閩縣林叅政允中子也叅政初爲東萊文學
官生女其解因名後叅政登進士與長樂陳中丞並任
浙江中丞因以其仲子長源聘女許之時男女俱五歲
暨叅政守南安時則女已涉孝經列女傳內則諸書而
其性又柔惠有志操動如成人父母獨憐愛之異他子
屬其母病目女即不遑寢食每晨起輒抱母舌舐之至
愈乃已其敦孝敬類是叅政每夜分授諸子書女亦時
時從旁竊聽至聞孟子死徙無出鄉語乃造膝而請其

義叅政爲援訓詁解之女大悟因謂彼同井里人信義
乃爾奈何今之號門內親者反相戕若胡越豈今人獨
非人耶母亦未聞古之道也叅政爲之改容視其母曰
異哉此息恨不男而女耳顧其他日當以士行爲名聞
重何必男後長源成經術補邑弟子員兩家且待年而
婚會中丞叅政並執親喪不得成禮亡何長源病卒矣
女聞之驚痛不自勝徐解簪易服詣其家祠斷髮以自
誓曰妾不幸不得爲陳氏兒捧匜盥竊願從地下事之
所不終其志靈神在此諸林氏宗婦內賓日相慰解之
曰子於陳家兒未嘗須臾共牢輕生無謂徒以憂怖兩

老親耳女正色拒之曰如若所言則未醮之女將得視其夫路人乎竊不願聞矣夫妾五歲受聘稱陳家婦今二十而以死生易盟豈能醜然而人面哉即父母愛我而禽獸我視一死孰安於是諸解者不復能進一辭女因泣請于父幸告舅氏骨肉將復於土其治兩壙虛其一俟兒兒且奔喪拜舅姑得一日託在草土而盡庶吾志明且比於禮也已叅政又熟察女已有固志不可移乃具書如女旨以貽中丞中丞得書悲愴嗚咽久之乃報叅政曰婦志誠美非余所敢從夫余實不德而天降之禍天余子今又不自悔禍而已及人之子是重余不

德也敢辭其後女請益堅中丞辭益力女乃拊膺大哭
與其父訣曰舅氏所不忍於兒者死耶乃兒初以死誓
冥冥者知之而輒負之雖生之謂何兒今下報冥冥者
矣語訖遂閉閣絕飲食者七日嘔血死中丞哀之如哀
長源因迎其喪與長源合葬焉嗟乎古今傳列女而有
烈如林氏女者哉夫婦不踐二庭而以身殉其夫徃徃
稱高行奇節難矣至如未婦而殉則千百年不多見蓋
有之亦必有所迫而自刑也乃林氏仕族女待字中閨
曾不知夫庭所在一得凶問遂慨然以死許而從容赴
之此何所迫耶意其天授貞白蟬蛻塵垢之外而有皜

于赤日烈于秋霜者耶此一死而萬古矣宜其國人私謚曰貞女而予爲之傳以俟采風

莊節婦傳

太史公嘗悲巖穴之士名湮滅而不稱嗟乎巖穴之士猶有稱者而獨處身泥垢若所謂男而胥婢女而婦奴即有奇節不得負青雲之士以傳豈賤其人而羞稱之乎夫管仲父之舉甯戚也以婢知其詩周大夫有其婢賢爲能忍辱甘死以全其主父母不可謂細行矣曾不得少概見至如翟家婢青死其主女耶因主女見列由古及今其不得有所因而稱者又何可勝數乎予所聞

里中莊八兒死節事竊不勝其悲矣八兒郡富口人莊
寧女寧父祖三世爲莊家奴遂冒莊姓八兒年十六嫁
劉學良學良亦人奴子越一年病卒葬舍傍八兒執喪
甚哀日舉案進食哭奠于墓婁絕復甦久之爲舅姑所
厭欲嫁之八兒以死拒又數月有少年傭耕者見八兒
悅之求爲贅婿其舅姑業已納聘而使八兒毋從更之
八兒自度不能抗佯許焉傭遂爲期以請至期八兒與
其姒方晨春私謂姒曰明日不相春矣姒不解其意少
選又與市易簪曰他日見簪毋相忘也姒益疑之至暮
忽改新粧出拜舅姑舅姑不知其訣也以爲將受婿而

喜之。須臾入室。自經死。夫八兒以人奴子爲人奴婦。至微賤矣。又年少質弱。即依違其舅姑。非有明閥可損寶訓。可辱也。顧獨視再適爲汚。而甘死若飴。茲不凜凜丈夫女哉。彼以富人子而有文君。名人子而有文君。豈得與八兒論貴賤哉。語云。金生沙礫。珠出汚泥。信矣。信矣。

其人不然
而文不冗

序

贈建州楊使君序

吳國倫

楊君蓋楚人云學于燕南弱冠起家成進士推擇爲留
都大司馬郎其在留都亡論守秩修故事與諸曹郎蒸
蒸異也太者萬卒窮叛至甘心少司徒氏三山震撼卿
相以下皆自廢計亡出矣楊君慷慨躍馬出提白羽扇
示之曰吾活汝汝其左袒即萬卒人人響應無不左袒
楊君者夫當是時撫劍無所用威綏頰無所用辨楊君
一躍馬而大難遂解談者至於今髮上指冠豈非以其
神氣足以彈壓之邪已朝廷錄定難功遷楊君爲建州

太守守建州蓋三年年裁三十比予入佐建州儼然視
楊君長吏也乃楊君則不自謂長吏也予退而竊歎曰
如予者豈足爲楊君執鞭哉夫海內薦紳先生聞楊君
定留都之難以爲其人必長老多所歷世故盤錯爲能
不動聲色而使反側子自安豈知楊君今猶白面玄髮
逡巡曳金紫若章縫邪已予從旁睹楊君所爲治郡事
又率用長厚之道法不貶而民親令不苛而事核屬八
閩苦兵建州居其上游羽檄交馳使車擊軫而至所徵
諸路將士日不下數萬道建州而東也楊君顧數從杯
酒談笑間授有司者以籌其供億曰計如是如是足矣

又亡命之徒嘯聚山澤爲變鄉邑諸父老扶攜趨楊君
請兵戢之楊君則又從盃酒談笑間喻諸父老曰若第
歸無慮吾已爲若滅此屬矣已將士德色市人莫知有
兵亡命之徒就禽而父老無恙茲信乎晉人所稱折衝
尊俎者非其神氣足以彈壓之何哉予旣心知楊君學
不假年而足氣不加助而完才無所資于閱歷而用之
不竭乃獨不能究其微也稍復私叩之曰大夫倉卒定
難於彼從容解紛於此有道乎楊君笑而答曰偶然耳
嗟乎嗟乎如予者豈足爲楊君執鞭哉予與楊君居未
一月以有昭武之命別楊君即昭武僻且少警易治於

建州數倍至欲以楊君之治治之神氣固有所不逮矣
方日夜思得繼見楊君會邑令王子陳子使使徵言爲
楊君壽遂書此遺之

貴州文舉齒錄序

今天下執圖經而談方岳者莫不廣內地而臨黔以爲
黔故蠻府不足以當諸行省之一隅是何闇於天地之
大觀也必若所謂將牂牁未變服而夜郎猶遠人耶夫
黔自新造二百餘年所不備者職貢方物耳而士之貢
名于朝者業已視諸行省有衆寡而無低昂非復以
狹鞮象譯通也至論萃五方之英發千百年山川之藏

氣而冠冕俎豆鬱然成都庶幾於兩畿鴈行焉才豈盡
地而生哉不佞產畿邑仕爲天子耳目臣習見五方
貢名之士不少矣異時其託交也布情有不必情而其
致用也有濟有不必濟此又有所從來非以地爲廣隘
語云百不爲多一不爲少則閱世之槩乎茲有司舉黔
士不佞寔猥臨之以文文同以揖遜揖遜同兩畿諸行
省何加焉夫談者之隘黔談者之不廣也士亦思所爲
自廣乎今夫冥鵬搏扶搖而上九萬里蜩與鷺笑之曰
我決起而搶榆枋奚以九萬里爲神鼇冠蓬萊而遊滄
海羣螳往觀之曰彼之冠山何異我之戴粒此廣與隘

之形也。夫愚者自多，不肖者自賢者也。士由忠信篤敬之學，文其辭，揖遜其禮，行且出疆，入國與兩畿諸行省之士遊，其母自多，自賢事其勝已者，而遠其不若已者，即一人受天下之善三十人，可以當五方之才，不亦廣乎？故曰：江河雖左，長於百川；以其卑也。予又聞之上士所與居，皆其所畏也；中士所與居，皆其所愛也；下士所與居，皆其所侮也。士至三十人，豈無可畏且愛者乎？畏且愛之矣，而又自求其不可侮，以此友三十人，亦以此友天下士，是所謂廣其在我者也。非必慕內地之足炫而收黔之故，以徇之也。夫馬之似鹿者，題千金，然天下

有千金之馬而無一金之鹿者豈賤真而貴似哉馬爲人用而鹿不爲人用也故士不務自廣以適於用徒欲改其故以徇人何異乎千金之馬而化爲鹿哉適諸士以齒錄請序不佞竊有意焉因述此以廣之

書

擬岳飛答秦檜書

吳國倫

易遇相國
誠厚一言
不容手死

岳飛頓首頓首、致書相國足下、飛自領王師渡河、賴陛下之靈、相國之智、所當摧鋒陷陳、大河以北無堅城、飛令諸軍北比且大醉黃龍府、諸軍聽飛鼓音、無不踴躍起介而馳者、虜人無當也、飛於時謂遂定中原、挈兩宮而還之陛下、直唾手取之矣、然後角巾投老西湖之上、飛之願也、乃今者一日奉陛下金牌十二、詔飛班師、天王有命、臣懼殞越於下、飛柰何敢不班師哉、然從東南來者、皆言非陛下意、謂謀出相國、相國實陰持之、飛竊

意相國爲陛下輔弼之臣陛下之遇相國厚矣語有之
瓶之罄矣維壘之恥相國爲天子大臣如何令虜人猖
獞盡棄大河以北赤縣神州二帝越在草莽而坐擁江
南尺寸之土以偷老其間則焉置相矣相國如天下何
內折中原之氣而外長仇讐相國必不然故敢以書奏
飛日者渡河來顧瞻帝京徘徊宮闕咏宋箕子麥秀之
歌吟周大夫黍離之篇扼腕而起仰天長號蓋不知其
淚之淫淫下也二帝遠在沙漠之鄉望救于相國一夕
百年耳願相國念之且相國嘗從胡中回烟沙之地不
憐於中原乎墮裘之人不陋於冠裳乎虜人之遇相國

誠厚孰與大國之相乎。奈何令二帝久辱胡中也。君父
貼在危亡。正臣子枕戈泣血之時。誓不俱生之日。申包
胥何如人哉。飛一日班師。赴闕下。相國且握手勞飛。賜
飛卮酒。飛寧能下咽邪。相國卽不念二帝如陞。何今
中原取於掌上。二帝旋於目前。功業垂成而棄之。令飛
十年經營廢於一旦。能不痛心。詔書到軍中。父老擁飛
馬首哭者萬數。相國不聞也。相國何親於虜。陛下何負
於相國哉。是役也。卽出陛下意。相國何不彊諫。陛下必
聽相國。相國之言行。則功在社稷。名流天壤。此萬世一
時也。願相國圖之。飛爲陛下取中原。還二帝。非以已也。

陛下今召臣臣業已還師卽歸死司寇身首異處臣請
受而甘心焉於飛何有哉第棄垂成之圖而失萬世之
利俛首喪氣爲天下笑飛甚惜之相國一旦不戒行且
獲戾萬代無已時飛爲相國謀忠相國其熟計之無忽

傳歸

歸氏二孝子傳

歸有光

歸氏二孝子傳

歸氏二孝子。予旣列之家乘矣。以其行之卓而身微賤。獨其宗親鄰里知之。於是思以廣其傳焉。孝子諱鉞。字汝威。早喪母。父更娶後妻。生子。孝子由是失愛。父提孝子。索大杖與之。曰。毋徒手傷乃力也。家貧食不足以瞻炊。將熟。即譏譏罪過。孝子。父大怒逐之。於是母子得以飽食。孝子數困匍匐道中。比歸。父母相與言曰。有子不居家。在外作賊耳。又復杖之。屢瀕於死。方孝子依依戶外。欲入不敢。俯首竊淚下。鄰里莫不憐也。父卒。母獨與

其子居。孝子擯不見。因販鹽市中。時私其第。問母飲食。致其鮮焉。正德庚午大饑。母不能自活。孝子往涕泣奉迎。母內自慚。終感孝子誠懇。從之。孝子得食。先母弟。而已有饑色。第尋死。終身怡然。孝子少饑餓。面黃而體瘠。小族人呼爲菜大人。嘉靖壬辰。孝子錢無疾而卒。孝子既老且死。終不言其後母事也。繡字華伯。孝子之族子亦販鹽以養母。已又坐市舍中賣蔴。與弟終緯友愛無間。緯以事坐繫。華伯力爲營救。緯又不自檢。犯者數四。華伯所轉賣者。計常終歲無他故。才給蔬食。一經官事。耗其母錢。終始無愠容。華伯妻朱氏。每製衣。必三襲令。

美个易及

兄弟均平。曰二叔無室。豈可使君獨被完潔耶。叔之亡。夢有遺子。撫愛之如已出。然華伯人見之以爲市人也。贊曰。二孝子出沒市販之間。生平不識詩書。遭罹屯變。無恒產以自潤。而不變其行。斯亦難矣。華伯夫婦如鼓瑟。汝威卒變頑。豈考其終。皆有以自達。由是言之。士之獨行而憂寡和者。視此可愧也。

序

送程翁序

歸有光

有氣

新安程翁少而客于吳吳之士大夫皆喜與之遊都太僕先生愛其淳樸題其所居曰白庵翁在吳既久吳人益信愛之無貴賤皆稱白庵云今年八十其子永絺永約孫應春迎翁還孫田將聚族而爲翁壽婚吳君某曰吾翁千里而歸不得文以行非所以將順翁之意則黃山靈嶺亦笑我矣于是謁予請焉予惟古者四民異業至于後世而士農商常相混今新安多大族而其地在山谷之間無平原曠埜可爲耕田故雖士大夫之家皆

以畜賈遊于四方、猗頓之鹽、烏保之畜、竹木之饒、珠璣
犀象、璵璠、果布之珍、下至賣漿、販脂之業、天下都會所
在、連屋列肆、乘堅策肥、被綺縠、擁趙女、鳴琴跼蹐、多新
安之人也、程氏由洛水而徙、自晉太守梁忠壯公以來、
世不乏人、子孫簪衍、散居海寧、黟歙間、無慮數千家、並
以詩書爲業、翁豈非所謂士而商者歟、然翁爲人恂恂、
慕義無窮、所至樂與士大夫交、豈非所謂商而士者歟、
翁今行矣、于是與其妻子兄弟若族之人、與其親知故
舊、論說生平、其所歷、天下名山大川、大都之會有幾、其
所見、四方賢公卿大夫、名人才士有幾、遁世長往、懷道

推高第爲
講郎公其
踐矣科舉
妨經學與

蘊術之士有幾。生長休明全盛之日。迄今百年。風俗世
道之升降。上自朝廷。下至田塋。耳目之所見聞。其變有
幾。屈指百年之內。中間與其妻子兄弟若族之人。與夫
親知故舊。相見之日有幾。其亦有所感也夫。少而游老
而休。于是得與其妻子兄弟若族之人。與夫親知故舊。
相與相見而飲。其可知也已。則夫爲其妻子兄弟若
族之人。與夫親知故舊。其喜又可知也已。

經序錄序

歸有光

予昔承乏汴藩。因識宗室西亭公。修學好古。有河間大
雅之風。嘗得唐李鼎祚周易集傳。槧版行於世。又爲諸

唐同龢是
是

經序錄凡爲經之傳註訓詁者皆載其序之文。使世之學者不得見其書簡讀其序固已知其所以爲書之意。庶以廣其見聞而不安於孤陋實嘉惠後學之盛心也。昔孔子修述先王之經以教其門人傳之世世不絕遭秦燔書漢儒存亡繼絕不遺餘力自此六藝稍稍備具太常之所總領凡四十博士而古文尚書毛詩穀梁左氏春秋雖不立學官猶推高第爲講郎給事近署而天子時會羣儒都講親制臨決所以網羅遺軼博存衆家其意遠矣沿至末流旋復放失則鄭王之易自出費氏而賈逵馮鄭爲古文尚書之學孔氏之傳最後出三禮

獨存鄭註春秋公穀浸微傳詩者毛詩鄭箋而已唐貞
觀間始命諸儒粹章句爲義疏定爲一是於是前世儒
者僅存之書皆不復傳如李氏易解後人僅於此見古
人傳註之一二至談助以己意說春秋史氏極詆其穿
鑿蓋唐人崇進士之科而經學幾廢故楊綰鄭餘慶鄭
覃之徒欲拯其弊而未能也宋儒始以自得之見求聖
人之心于千載之下然雖有書成而多所未盡賴後人
因其端以推演之而淳佑之詔其書已大行於世勝國
遂用以取士本朝因之而學校科舉之格不免有唐
世義疏之弊非漢人宏博之規學士大夫循常守故陷

於孤陋而不自知也。予自屏居山林，得以徧讀諸經，竊以意之所見，常以與今之傳註異者，至如理象之殊，而圖書大衍用九用六之論，未能定也。古今文之別，而豫章晚出之書，未能釐也。三百篇之全，而桑間濮上之淫音，未能黜也。褒貶實錄之淆亂，而氏族名字日月地名之未能明也。郊丘混而五天帝，昆侖神州之一而始祖之祭，不及羣廟也。洪範以後，金縢召洛二誥之疎脫，非朱子之遺命也。開慶師門之傳，非鄭氏之奧義也。紹興進講之書，非三傳之專學也。則王栢、金履祥、吳澄、黃澤、趙汝卓、越之見，豈可以其異而廢之乎？歐陽子曰：六經

非一世之書其將與天地無終極而存也以無終極視千歲於其間頃刻耳則予之待于後者無窮也嗟夫士之欲待於無窮者其不拘牽于一世之說明矣道遠不能與西亭公訂正其疑義而序其畧如此云

項思堯文集序

永嘉項思堯與余遇京師出所爲詩文若干卷使余序之思堯懷竒未試而志于古之文其爲書可傳誦也蓋今世之所謂文者難言矣未始爲古人之學而苟得一二妄庸人爲之巨子爭附和之以詆排前人韓文公云李杜文章在光燄萬丈長不知羣兒愚那用故謗傷蚍

元朝永嘗
有文

蜉撼大樹可笑不自量、文章至于宋元諸名家、其力足以追數千載之上、而與之頡頏、而世直以蚍蜉撼之、可悲也、無乃一二妄庸人爲之、巨子以倡道之歟、思堯之文固無俟于余言、顧今之爲思堯者尤少、余謂文章天地之元氣、得之者其氣直與天地同流、雖彼其權足以榮辱毀譽其人、而不能以與于吾文章之事、而爲文章者亦不能自制其榮辱毀譽之權于已、兩者背戾而不一也久矣、故人知之過于吾所自知者、不能自得也、已知之過于人之所知、其爲自得也、方且追古人于數千載之上、太音之聲、何期于析楊皇華之一笑、吾與思堯

言自得之道如此思堯果以爲然其造千古也必遠矣

10

行狀

通議大夫都察院右副都御史李公行狀

歸有光

公諱憲卿、字廉甫、世居蘇州崑山之羅巷村、以耕農爲業、通議始入居縣城、獨生公一子、令從博士學、山陰蕭御史鳴鳳奇其姿貌曰、是子他日必貴、吾無事閱其卷矣、先輩吳中英有知人鑑、每稱之以爲瑚璉之器、公雅自修飭、好交名俊、視庸輩不屑也、舉應天鄉試、試禮部、不第、丁通議憂、服闋、再試中式、賜進士出身、明年選南京吏部驗封司主事、歷遷郎中、吏在司者、莫不懷其恩、

居九年、冢宰鄞聞公奉新宋公、皆當世名卿、咸賞識之、
陞江西布政司左叅議、江右田土不相懸、而稅入多寡
殊絕、如南昌新建二縣、僅百里、多山湖、稅糧十六萬、廣
信縣六、贛州縣十、糧皆六萬、南安四縣、糧二萬、三郡二
十縣之糧、不及兩縣、巡撫傅都御史議均之、公在糧儲
道、爲法均派折衷、最爲簡易、蓋國初以次削平僭僞、
田賦徃徃因其舊貫、論者謂蘇州田不及淮安半、而吳
賦十倍淮陰、松江二縣糧、與畿內八府百七十縣埒、其
不均如此、吳鄧異時嘗均田、而均止於一郡、且破壞兩
稅、陰有增羨、民病之、不若江右之善、而惜不及行也、陞

山東按察司副使兵備臨清先是虜薄京城又數聲言
從井陘口入掠臨清臨清綰漕道商賈所湊人情懼
公處之晏然或爲公地欲移任公曰詎至於此境上屯
兵數萬調度有方虜亦竟不至師尚詔反河南至五河
兵敗散獨與數騎走莘縣擒獲之在鎮三年商民稱其
簡靜甌寧李尚書自吏部罷還所過頗懈慢公勞送禮
有加李公甚喜歎曰李君非世情人吾因以是識其人
會召還即日薦陞湖廣布政司右叅政景王封在
漢東未之國詔命德安造王府公董其役又以承
天修陵恩殿陞河南按察司按察使受命四月尋擢

巡撫湖廣右僉都御史奏水災乞蠲貸親行潒渚雲夢
間拊循之東南用兵禦日本軍府檄至調保靖容美桑
植麻寮鎮溪大刺土兵三萬二千所過牢廩無缺公因
奏土司各有分守兵不可多調且無益徒糜糧廩其後
土兵還輒掠內地人口公檄所至搜閱悉送歸鄉里
顯陵大水衝壞二紅門黃河便橋而故邸龍飛慶雲宮
殿多隳撓奏加修理建立元祐宮碑亭是時奉天殿災
勅命大臣開府江陵總督河廣川貴採辦大木工部劉
侍郎方受命以憂去上特旨陞公左副都御史代其
任先是天子稽重制建九廟而西苑穆清之居

有興造、頗瀉蜀荆之材、公至則近水無復峻幹、乃行巴庸、棘道、轉荆岳、至東南川、往來督責、鉤之荒裔中、於是萬山之木稍出、然帝室紫宮舊制、環瑰於永樂、金柱圍長終不能合、公奏言、臣督率郎中張國珍、李佑、副使張正和、盧孝達、各該守巡、叅政游震、得副使周錦、僉事于錦、先後深入、永順、卯峒、梭梭江、叅政徐需、僉事崔都入容美、副使黃宗器入施州、金峒、叅政靳學顏入永寧、迤東、蘭州、儒溪、副使劉斯潔入黎州、天全、建昌、董筴入烏蒙、叅政繆文龍入播州、真州、酉陽、僉事吳仲禮入永寧、迤西、落洪、班鳩、井鎮、雄程、嗣功入龍州、叅政張定入

銅仁省溪叅議王重光入赤水猴峒僉事顧炳入思南潮底汪集入永寧順崖而湖廣巡撫右僉都御史趙炳然巡按御史吳百朋各先後親歷荆岳辰常四川巡撫右副都御史黃光昇歷叙馬重夔巡按御史郭民敬歷邛雅貴州巡撫右副都御史高翀歷思石鎮黎巡按御史朱賢歷永寧赤水臣自趨涪州六月上瀘叙而巨材所生必於深林窮壑崇岡絕箐人跡不到之地經數百年而後至合抱又鮮不空灌昔尚書宋禮及近時尚書樊繼祖侍郎潘鑑採得逾尋丈者數株而已今三省見採丈圍以上楠杉二千餘丈四五以上亦一百一十七

視前亦已超絕矣。第所派長巨非常，故圍圓難合。臣奉命初，恐搜索未徧，今則深入窮搜，知不可得。而先年營建亦必別有所處，伏望皇上勅下該部計議量材，取用庶臣等專心採辦，而大工早集矣。上允其奏，命求其次者。其後木亦益出自江淮，至于京師，簞筏相接。而天子猶以皇祖時殿災後十年始成，今未六七載，欲待得巨材，故殿建未有期。而西工驟興，漕下之木多取以爲用。三省吏民暴露三年，無有休息期。大臣以爲言，天子亦自憐之，將作大匠又能規削膠附，極般輸之巧，而見材度已足用，公懇乞興工罷採，以休荆蜀民使者。

相望於道。詞旨甚哀。而工部大臣力任其事。天子從之。考卜興工有日矣。其後漕數比先所下多有奇羨。凡得木一萬一千二百八十九章。公上最推功於三巡撫。下至小官莫不錄其勞。今不載。獨載其所奏兩司涉歷採取之地曰。四川守巡督儒溪之木。播州之木。建昌。天全之木。鎮雄。烏蒙之木。龍州。蘭州之木。湖廣督容美之木。施州之木。永順。卯峒之木。靖州之木。及督行河南購木于九嶷。荆南。購木于陝西。階州。武昌。漢陽。黃州。購木于施州。永順。貴州。則於赤水。猴峒。思南。潮底。永寧。順崖。其南出雲南。金沙江云。大抵荆楚雖廣。山木少。採伐險。

可爲採木
之鑒誌中
載中丞公
亦心人也

遠必俟雨水而出而施州石坂亂灘迂迴千里貴陽窮
險山嶺深峭由川辰大河以達城陵磯蜀山懸隔十里
排巖批谷灘急漩險經時歷月始達會河而吏民冒犯
瘴毒林木蒙籠與虺蛇虎豹錯行萬人邪許摧軋崩峯
鳥獸哀鳴震天吸地蓋出入百蠻之中窮南紀之地其
艱如此故附著之俾後有考焉昔稱雍州南山檀栢而
天水隴西多材木故叢臺阿房建章朝陽之作皆因其
所有金源兵營汴新宮採青峰山巨木猶以爲漢唐之
所不能致公乃獲之山童木遁之時發天地之藏助成
國家億萬年之不圖其勤至矣是歲冬徵還內臺明年

考察天下官已而病作請告病益侵乞還鄉天子許之行至東安平山驛而薨嘉靖四十一年四月乙亥也年五十有七公仕宦二十餘年未嘗一日居家山東獲賊湖廣營造東南平倭累有白金文綺之賜而提督採運之擢皆從中下蓋上所自簡也祖考妣皆受誥贈母杜氏封太淑人所之官必迎養世以爲榮公事太淑人孝謹每巡行日遣人問安還輒拜堂下太淑人茹素公聽以請者數太淑人不得已爲之進羞膳平生未嘗言人過其所敬愛與之甚親至其所不屑然亦無所假借在江陵有所使吏遲至公問其故言方食市肆

孝哉魏未
能

皇極殿本
此

中又無馬騎。故事臺所使吏廩食與馬爲荊州奪之。公曰彼少年欲立名耳。竟不復問。周太僕還自滇南。公不出候。蓋不知也。周公鄉里前輩以禮相責誚。公置酒仲宣樓。深自遜謝而已。爲人美姿容。自少衣服鮮好。及貴益稱其志。至京師。大學士嚴公迎謂之曰。公不獨才望逾人。丰采亦足羽儀朝廷矣。所居官廉潔不苟。採辦銀無慮數百萬。先時堆積堂中。公絕不使入臺門。第貯荊州府。募召商賈。賞購過常。人皆懷之。故總督三年。地窮邊裔。而民夷不驚。以是爲難。是歲奉天殿文武樓告成。上製名曰皇極殿門曰皇極門。而西宮亦不日而就。

天子方加恩臣下、叙任事者之勞績、而公不逮矣、余與
公少相知、諸子來請撰述、因就其家、得所遺文字、叅以
所見聞、稍加論次、上之史館、謹狀、

序

清涼居士自序

文元發

自携驚人句問青天
直通帝座矣豈特鉞
疑俗耳哉

居士姓文氏、漢成都守翁之後、五代時有諱時者、自成
都徙廬陵、事唐莊宗、爲帳前指使、輕車都尉、至宋淳熙
間、有宣教郎寶蓋、時之後也、爲衡州教授、子孫占籍、爲
衡山人、十一世祖元金紫光祿大夫、某金紫之孫曰俊
卿者、仕元季、爲鎮遠大將軍、湖廣管軍都元帥、佩金虎
符、鎮武昌、入國朝、授州衛千戶、鎮遠六子、長子定
開、從高皇帝、平僞漢有功、授飛騎尉、荊州左護衛千
戶、賜金織蟒衣、改名添龍、建文中歿于兵、子憲爲錦衣

衛千戶、調徐州衛、今徐州之族是也。第二子定聰、以武臣子入侍、署散騎舍人、爲都指揮。蔡本贅婿、從蔡徙杭、生四子、其仲子惠、婿于蘇張聲遠氏、因留居蘇、爲長洲人、居士五世祖也。始讀書業文、隱居不仕、教授鄉里、人稱存心先生、存心生涑水府君諱洪、中成化乙酉鄉試、授易州涑水教諭、以子貴、初贈南京太僕寺丞、再贈少卿、少卿生三子、長溫州府君諱林、成化壬辰進士、仕終溫州知府、居士曾祖也。次中丞府君森、成化丁未進士、仕至都察院右僉都御史、又次貢士府君彬、以年資貢禮部、未仕而卒。文氏世武弁、自少卿公奮起科目、生三

子宦學通顯、婉德儷義、望于當世、訖今衣冠禮樂代不
乏人、皆我存心府君實肇基焉、可忘所自哉、温州府君
生我祖翰林府君諱微明、世號衡山先生、道德完粹、名
教宗主、生三子、長即我考博士府君諱彭、仕終國子監
博士、渾樸真純、和光物外、生平至行、古人所難、與弟和
州府君嘉祝、峯府君臺友、愛無間、蓋不事修飾、而人倫
桀范、實不能外焉、各有傳載、妣孺人錢氏、生二子、長爲
上林錄事肇祉、次即居士、居士名元發、字子悱、嘗仕爲
浙江金華府浦江縣知縣、五年陞河南衛輝府同知、未
上、以病乞致仕歸、自號清涼居士、居士生有至性、初博

士府君以志趣高朗、不屑生產、家貧甚至乏薪水代勞之人、錢孺人方病、居士年六歲、即自往祖母吳安人所、哀哭乞倩人爲饘粥、以供錢孺人、吳安人亦爲之哭、錢孺人歿時、居士方九歲、伏尸踴躅、自始死至殮、三日夜不離尸側、亦不輟聲、迨浴尸既、俗云若親子飲澡水者、即死無地獄之苦、居士隨附盆飲水、觀者咸異之、時祖母吳安人以高年勸勤、居士旣喪母、幼又孱弱多病、內外親黨、莫有顧之者、唯其嫂王碩人爲之煦哺鞠育、極其拊循、寒暄飢飫、莫不周至、蓋不待上林公之詔而然者、故其歿也、居士爲之暮以報之、事後母楊孺人、時尚

童稚然曲意宛轉哀號孺慕若成人然楊孺人雖性嚴
乎亦爲少霽其威也但自幼因錢孺人多病日不離側
旣錢孺人歿僇竹哀苦遂至失學年十五始克就外傳
從大儒魯子大先生受春秋章句稍通大義又不肯竟
習未幾博士和州二府君俱宦遊在外而待詔府君以
盛德顯名大耋居家賓客輻輳凡應對延接悉以屬居
士即飲食起居偪浴綦屨之微非居士在側不適也而
居士所以先意承志以代博士府君之勞者亦殫力焉
年弱冠被選爲郡學弟子員當其時學本面牆勤非鑿
壁廼試輒高等人方以譽髦目之而自亦不知其繆也

磊
柯

坐是滯于場屋者垂三十年、訖于無成、是豈獨其命之
不逢哉、年四十遇穆宗踐祚、詔天下貢士不限資次
名、恩貢時郡守永年蔡公國熙謂居士宜選薦之于
督學麻城周公弘祖、遂以居士應詔、同選者吾蘇十人、
十人中已大半奮甲科登臚仕、而居士再試再斥、丙子
復下第、嘆曰、吾豈爲謗謫者束縛哉、造化小兒、弄非一
人、因投筆自笑曰、他生未卜此生休矣、丁丑遂謁選、選
授浙之浦江浦、爲浙東巖邑、地瘠民刁、好鬪喜訐、囹圄
常滿、而逋稅較他邑爲最、居士至、聞其繁、欲變其俗、時
瓊州王公懋德守金華、名能知人、亦慎許可、一見居士、

謂其僚佐曰、文子非百里才也、居士亦見王公、可倚以立事、遂請間、因歷陳縣弊事數十條、王公報可、居士即以次行之、執法不少阿、縣初大譁、曰、老貢生潤身已耳、乃皎皎耶、縣多豪大家、每持縣事、縣官至、先以利嘗之、不可、則以勢劫之、又不可、則許之于上、而搆去之、以故縣官稍下者、遂食其餌、斷斷者、不得善罷、居士一繩之以法、莫所縱釋、而實繁之徒、即走金陵、騰毀焉、晉江陳公我渡時、爲南司空、益先撫南畿、知居士者、特致尺一、諷居士有曰、浦故刁俗、善許官吏、韓鳳橋許益齋、以甲科盛望、被浦民誣告、至勤兩府會問、足下丰裁凜凜、恐

羽可儀氣
可岳

有挺而走險者不可無濡尾慮也。居士報之云。申。棖。以。有。欲。不。剛。孫。寶。因。受。囑。色。沮。不。肖。幸。免。此。二。者。破。柱。剝。鼓。彼。何。人。哉。諸。豪。聞。之。蓋。終。居。士。任。不。敢。出。一。聲。也。其。他。條。舉。志。在。必。行。事。集。而。衆。不。擾。賦。稅。視。他。邑。乃。更。早。完。獄。訟。希。減。盜。賊。屏。息。民。大。安。焉。而。禔。身。苦。操。終。始。一。節。即。始。之。謹。且。撓。法。者。莫。不。訕。服。歷。任。五。年。亦。有。一。二。事。可。書。別。有。紀。載。然。雅。非。居。士。志。茲。不。復。贅。三。載。考。績。例。得。恩。典。于。是。先。父。母。及。繼。母。二。室。人。皆。得。贈。卹。煌。煌。密。章。賁。茲。黃。土。幸。矣。幸。矣。居。士。在。官。雖。有。賢。聲。然。世。局。時。情。較。量。資。格。不。爽。秋。毫。而。居。士。素。狷。直。不。能。與。

時俛仰、初居士爲青衿時、與今相君申公有筆硯之舊、
申公旣貴、時居士尚家食、申公頗爲推轂、及有浦江之
選、即謝相君曰、文生年踰四十、得憑閣下之靈、受一命
爲民社主、自今日以往、固不敢以不肖之身累閣下、負
夙昔之知矣、然而相君于故舊、意甚不薄、每部使臣及
監司至浙者、多以居士爲託、世無隻眼、遂以此爲縣令
重也、而煦煦然請間示恩、情態百出、殊爲可厭、甚至有
欲布其私者、先乃令人羣摭長短、聲言按劾、而後竟薦
之于朝、以爲德、居士遂浩然曰、嗟乎、文生束髮讀書、家
世名德、生平自詭亦欲乘時少見、以不負初念、而運會

不逢僅以老貢生徵天子之命得一邑如斗大顧不
得驤首康莊而踟躕轅下誰識鹽車哉廼欲以褫袍緩
故人頽頽縱自駑下無若先世羞何會有衛輝之命因
得解歸遂移疾上疏乞骸骨蒙准以新銜致仕居士時
年已五十有四矣居士始欲歸有同官與居士厚者新
建喻公均高安范公儁同安黃公文炳爲居士謀曰若
家素貧今歸何以爲十口計且以一老郡丞在家與部
使臣監司相與不無世態慮耶居士笑曰勞苦諸君愛
我良厚然人各有心吾終不能以此區區者而戚施于
市兒前也柴桑翁笑人齒冷矣况吾自上世以來田不

滿二頃屋廬僅除風雨、吾曾祖守溫卒于任、同官視其
篋中、僅絲青布袍一件、鍍金帶一圍、書數十卷、其清德
如此、吾今幸籍先人遺澤、得免負戴、有田三百畝、足以
供朝夕、草堂一區、歲時伏臘烹雞、葡萄酒足以備祭祀、此
其家不貧、況山姿野性、素無軒冕意、閉門自適、雖子平
之累未畢、而公理之志可申、諸君乃欲我束帶僕僕隨
士大夫後、蹢躅堦砌之下、然後爲文生重耶、已乎休矣、
于是居士歸、旋葺其舊居、顏其堂曰願賢、寢曰詒安、築
小樓一楹、曰心遠、日坐其間、讀書課子、閒吟小詩、詩不
甚工、亦不求其工、自娛而已、居常自郡縣大夫外、雖豪

貴人長者、非素相知、即不肯束帶出見、亦不報禮、雖似于簡傲、然不欲強顏、應非情言、笑與俗人相對、蓋其素性爾也、而人亦有諒之者、居士與上林公同胞、少公十歲、又嘗鞠育于王碩人如子、以故事王碩人如母、而事上林公若父、及居士致仕歸四年、上林公亦致上林事、歸吳中、與居士居、相去僅百步、朝夕相聚甚懽也、初博士和州二府君、兄弟友愛、白首無纖芥、却洎晚歲、宦遊南北、阻絕臨終、皆以老年兄弟、不得一執手為恨、今居士與上林公、廼得以暮齡垂白、怡怡于、徜徉於故山林壑、為吳人所羨、豈也不亦幸哉、居士雖生于貧素、終

性不喜作寒窶態亦不肯干乞于人自少至老口不言
貧衣服修潔雖至親密者故不知其貧生也垣屋居止
處方廣不盈丈必淨拭掃除性方整即屏榻几稍有
傾仄不肯即安然氣宇簡重凝定閑雅楚然自居而秉
志高亢與人寡合不能容人過又不喜與富人往來居
常見脂韋夸毘誕妄不經與輕諾寡信輩及長者家兒
恒白眼視之如將浼焉故家居以來賓客益鮮門無剝
啄日手一編倦則徐步庭除間朗吟古詩三四首亦善
睡每飯後高枕酣寢蠲然遠寄欣戚不繫謗譽無聞如
是已耳而世間可欲之物若無足以動其心者然任懷

得意、傍若無人、其終身坎壈、亦坐是焉。間得一二相知、

結山間之社、每數日一會、相與甚洽、意是足以終老、第

未知諸君歲晏何如耳。居士元配彭孺、人生三女、無子、

繼室周孺、人生一子、名從鼎、今更震孟而周孺人媵陳氏、生

一子、名從升。周孺人卒、復聘史氏女爲側室、生一子、名

從泰、今更震亨後歲己丑、陳氏再得一子、與吾同物、名之曰

從同云、今更震纓鼎娶陸、升聘徐、泰聘王、同聘潘、三女長適

陸上仁、次馮時康、次姚汝輒、悉名家子。歲戊子、居士年

且六十、念諸子生俱晚、未悉居士履歷、暇日因稍錄其

生平大都、并所著詩文雜稿、藏于家以示之云。清涼居

士曰夫惟聖人不凝滯于物而能與世推移自非聖人必有所寄藉而後克展古人謂賤生於無用中流失船一壺且千金矣雞靡豕零時爲帝者也信然哉夫世有懷瑾握瑜瓊奇倜儻之士弗獲一試泯泯于當年者又何可勝道也幸歟不幸歟乃孔子稱四十五十而無聞又疾沒世而名不稱焉士獨可薄世資乎哉居士結髮立志自詭不後于常人顧當文明景運格于際會進不得宣力樹勲效鉛刀一割之用退不能讚揚皇猷撰述一家之言爲爾寂寂幾爲胡盧生所笑語云邦有道貧且賤焉恥也豈非聖明在上而功業不建聞譽弗遠烈

士以爲至羞乎。雖然他日獲啓手足。所以從先君手。禰廟者。儻可藉口以復也。則又幸矣。膏以明。自銷。薰以香。自燒。吾知免夫。吾知免夫。

傳

二孝子傳

耿定向

二孝子都逸其名氏予聞諸長老先生言爲紀其大凡云其一丐子也行乞吳市中吳門有貴人月夜道橋上聽其下有歌唱聲者下覩之則丐子也坐一老嫗塊上以所丐得酒捧缶而跪進焉唱蓋以侑云貴人訝詰之丐子驚嘻曰儂窶人聊爲阿母歡耳貴人嗟良久歸明日轉相語稱異焉後時時人窺之見所娛其母者多類是自此諸貴人每宴輒置餘豆間曰以待孝乞兒也吳下至今口其事云其一居浙之長興里蓋椎魯人也獨

參得實便
富有以善
處之矣歟
屋一椽粗
粟數鉢以
爲孝子粥
可之食諸
貴人乃顧

事母有至性、其舊業俱以養母故、至衰落、僅餘屋數椽、
矣、其從父猶羸於貴、一日飲諸嫺、呼孝子侍、嫺多豪貴、
人饌且腆甚、孝子未及舉、即私念曰、令何緣得致我母、
前耶、則時時目左右盼、每伺賓所不顧、急摘諸耳脆品、
裹紙納袖中、未見一再御、即御若未嘗旨焉、紙盡而袂、
已盈盈矣、縮縮逡巡席間、復私念曰、令何緣客罷即致、
我母前耶、會席闌酒酣、主人出金卮、酒貴客、貴客不勝、
酒、以卮置樓簷間、覆以瓦、先間歸、俄侍者報亡其卮、衆、
客欲自明、約曰、請急扃戶、令人人袒、檢之必得乃已、孝、
子兩手捫袖中、至羞澁也、倉卒不得計、即謬曰、由我、詰、

山之則曰匿他所矣。至後再詰之。則又謬曰。求諸所不
得。或爲他人乘也。奈何。然當卒償之耳。詰辰。從父責所
償。孝子願鬻其屋。且曰。幸稍寬我。俾先僦屋奉母居。令
無訝也。不爾懼傷母氏心。從父雖嗔恚。聽其語。亟道母
氏已默默心動矣。無何。貴客憶前厄。乃折簡主人。語以
故。且曰。昨蒼黃歸。未有白也。將無枉若家僕耶。主人如
言檢之。得。急呼孝子至。孝子猶謬對如初。從父曰。癡兒。
吾業已得厄。知非若矣。顧若何苦自誑。負不避名。孝子
始吐實。淚淋漓下。曰。某苦不能勉奉母氏。歡而兒女態
若此。比諸貴客在。設令把我袖。將大詬我。且重爲叔父。

此從父者
其名易客
衣耶勝前
而貴人多
矣

羞故寧爾爾從父大感悟曰若欲孝乃力不能我即羸
餘兩豚犬兒能似爾萬分一不耶乃召前坐上客遍語
之曰是子如是如是怒與吾兒二視哉卒三分其產令
得終奉母氏焉聞其族里至今多禮讓人謂遺風所漸
云贊曰孔子有言啜菽飲水盡其歡斯之謂孝乃丐
子殆契是乎世之力能具五鼎八珍前羅而不能令其
親一開顏者豈少哉令人脉脉感愴矣或曰行乞至詬
耻辱親也不知彼營營競進者視乞墻行何殊矣究所
止能以親顯不耶懷肉至自誣事若甚駭可憫乃其顧
養一念即古潁封人奚加焉卒感叔氏風施後世

有以
也夫

傳

朱愷傳

殷雲霄

壬申秋九月壬辰，鴉數千來噪靖江縣庭。乙未夕，令殷雲霄夢兩猪伏庭下，一懇懇苦訴狀。晨鴉復來，既西去，集學宮，遣人視學宮，得殺死一男子於西廡。愷父朱正者，識爲愷，號泣訴曰：愷此月庚寅持錢物往貨於蘇，壬辰正得一匿名書曰：裘龍奪朱愷錢於學宮，踰牆去，冀取龍來其知之，令弗聽，則以他事拘與愷交游者數人，命名各書一紙取視，匿名書內姚明者書與書頗同，問其年曰：生於亥，亥爲猪也。令曰：殺愷者其明乎？明大駭汗。

如雨下、伏不敢出一言、下明獄、遣人驗察、唯鄰陳碧者、庚寅日、見明衣青衣、若有所持、倉皇歸耳、遣人計取其、青衣、短刀、錢物、得於其姊與其妻、置庭下、血俱凝凝、若新署、召明視之、但頓首請死、詢其由、曰、明與愷甚厚、一日不見、則思、明近賭博、窘甚、知愷持錢物行、則誘之、僻處與別、遂刺殺之、取錢物歸、懼其父疑明、故誣示以龍、龍且與明有宿怨也、殷子曰、以利合者、以利而敗、豈不然哉、愷之見殺、以厚明也、故信其誘而不避、示其有、而不疑明也、利有所重、而愛有所忘、相與俱斃、悲夫、

序

會試錄後序

張治

嘉靖丁未會試錄成臣治敬拜手言曰明興有天下百
八十年于茲其取士以丁未者凡三見焉記曰丁明也
盛也陽道著明于壯盛也未者言萬物皆有滋味也天
地以四時之氣造化萬物陽道昭達及于明盛之紀則
物皆林林然成有滋味矣王者效天地本四時建道陳
制興立人賢所以成養萬民致明盛之理也在昔丁未
我高皇帝肇受天命首令天下設文武科取士用集
大業文明之運所由啓矣宣德成化之際仁義融液王

道明治人文之化日益宣著至于今 聖天子懋至德
配天地稽古三五之道勸學修禮崇教勵賢以風四方
海內懽慕含和咀淳天符人瑞雜然竝至神光曜暉洪
洞朗大豈不明盛之極哉士生於時固宜皆林林成有
滋味也然萬物養於天地而人則藉萬物以養也物味
有美惡斯生理之肥瘠因之矣荼堇烏喙蜚吻酸鼻決
腸胃而毒者則人避而棄之敗糝之糲無救飢渴封熊
之趾豢豹之胎窮海逾陸非可常有亦人所不尚也何
者以無藉于養也士者人君所與共成養萬民也士味
有厚薄而世治盛衰恒所由之國初之士其味真實茂

生有味則
民得其養
真可會意

以開濟之略翊戴休烈當時之民無不得養者宣成熙
盈之運士多持重完固其味淳厚民得其養者則皆充
然而肥有光澤也及久而變焉譬之禁羞珍饈漸以蜜
醴和以椒桂芬馨有餘而真味亦薄矣其養之惠于天
下者視昔何如哉乃下焉者伐德暴義回惑營蠱惟淫
志是逞用導民亂荼堇烏喙蜚吻酸鼻決腸毒胃者也
委瑣頽靡饗貴利自富丁民弗勤敗糝之糈無救飢渴
者也幽奇詭激違衆立異以改易觀聽民日漸于匪彝
封熊之趾豢豹之胎窮海逾陸非所常有也數者於養
之理何述哉民生日凋瘵若抱瘡瘵而懼其斃焉夫豈

氣化使然邪。要亦養之道未至耳。是故養生者必擇味。養民者必擇士。而士之自養者必擇道。今夫國家之擇士也。三歲比天下之士而鄉試之。三歲比其鄉之士而會試之。其法至備也。及加之民。乃無藉于養焉。豈非以人之難知而言之。不可以稽乎稂莠之始。天然與嘉穀並茂。而其味則遠矣。故擇不可以不慎也。然士之自擇亦猶國之擇士也。國之擇士也。漸以其士之道養乎天下也。夫以士之道誠養乎天下。而後可爲民之味。不然其有味之者乎。士之自擇也。漸以其身之道養乎天下也。夫以其身之道誠養乎天下。而後可爲國之味。不然

其有能味之者乎。是故國以士爲味。士以道爲味。而後
明盛之理可從致矣。昔者伊尹之於湯也。思說以堯舜
之味。而高宗之於傅說。亦惟曰爾維麴蘖。維鹽梅。斯二
者非所謂天下之至味者乎。商道之盛。至今猶耿光者。
其有以致之矣。爾多士以丁未進。其亦慎擇其所爲味。
如商之二臣。以惠天下之養。以仰對聖天子明盛之
理。則惟亦有聞于無窮哉。臣治不佞辱詔從大夫之
後。與投試之責焉。敬以是申告之。末簡。

記

忠烈祠記

支大綸

只是感時
發憤與忠
烈記無干
然筆自錦
舒

武宗蒞位四年江右大饑閭左作亂奉新巨盜據華林
阨塞聚衆數萬人流劫奉靖寧武等州縣遠近響應者
以數十羣時周公憲以臬使備兵西道親督民兵封之
平其三寨至靖安遇害公有子幹聞公邁難即身先士
卒赴之亦遇害事聞贈公節愍子爲孝烈立祠祀于邑
之東時議以憲副吳公一貫先後在西道築城堡扞禦
矢力盡瘁死于王事遂以並祀學憲李夢陽嘗記其事
祠故卑陋且歲久圯甚支子至伏謁祠下竊高二公之

忠孝大節而悲廟祀之弗稱也捐俸新之既竣工爲記
其歲月云我皇祖天造崇尚節義旌余闕以顯忠貶
危素以儆紕風厲漸摩至建文靖難之變死者駢首雖
逮師生夷九族而不悔不沮視死如飴然亦大甚矣馴
至宣英汪直則媚王振則媚呼父呼師了無慙色土木
之變死節者猶晨星迨孝廟寬仁恭儉尚直言崇正
學十七年間所以維植元氣良厚故正德初亂政百出
而人心不移下逮遐方僻壤卑官冷秩皆知自樹流賊
歟起而許樂陵抗于比周節愍抗于南乘完節以報
朝廷則孝廟培養之貽也自後一挫于逆瑾再斲于

江彬三木楚辱死徒紛如一時士君子憤激就戮有東
漢之禍而直節亦因以衰矣世宗初年直言復振雖
貴溪分宜陽擊陰排言者不替至張江陵乘摧阻之後
乾子門生且遍中外奪情則舉朝頌功德卧病則舉朝
勤醮禱奉母入朝而傾城迎餞甚于乘輿則天理人心
幾于滅絕而廉恥不復在天地間矣是可忍也孰不可
忍倘二公者居斯世見斯人其不以擊賊之外擊之耶
余故有感于世道而重爲二公述也

本為八州... 公本... 其... 收... 門... 宜... 木... 蘇... 蘇... 蘇...

序

送陳應虹座師以左諫議擢山東兵憲序

支大綸

國家樹給諫臣直掖垣內專封駁其制視諸京朝臣特
重既任率數載不輕徙秩滿輒服在卿佐大僚時時出
一二補藩臬司初亦曷嘗不獎忠直而酌乎勞哉迨歷
練之術行而老成者以資紉遷轉之期亟而鯁峭者以
年沮孝廟後諫垣遂多故矣總之不出兩途有悍然
冒清議懸危法以震言者其究也法極而身繼之乃以
成言者之名于是有嘻怡洪忍謹然示人以有容而陰

疎貳之以褫其權甚者中以法而汙蟻之俾言者不獲
自直而已得有辭于天下蓋自管舞圓機以刳言鋒者
雖低昂迥更吾咸得攬其大較云居常念汲長孺佐武
皇朔朔于時忌不見察洎出守竟以一臥治語咻之唐
子方許文潞國至叱咤廷陛中而潞國終能洗瑕捐忿
回升之以叅大政蓋兩宋尚清議其公卿典刑邁前漢
殊絕矣且當長孺與平津爭布被時豈復爲身資計哉
而子方淮浦一喙直以忠義自仗亦豈卑卑念内外資
者乃長孺依依款款懷戀禁闥子方一承薦剡遂忘宿
嫌欣然與之共事此未易與淺衷道也臣子抱大馬戀

反覆情事
人抵位諫
臣非君相
之福

主之忱安能斯須。忘天下哉。誠忿天下大本在。主上一人。吾苟獲瀝吾血誠以翊戴而保護之。登主上于堯舜之隆。天下治若腹心之役。臂指耳釋。此而之外。僚雖盡所長以就于理。如根本何用。是志士純臣日以糾德弼違爲事。而彼倡均任歷練之說。而亟遷之者。凡以塞言路而啓之竇也。夫以長儒之樸忠。俾平津少優容之。亦遺損于平津。而漢家之強。藩巨憝環伺而竊發。如淮南流者。其先事伐謀之功。奚可勝紀。顧局之一淮陽間子方。詆訐宮闈。當宋天子震怒時。潞國即爲所欲爲。奚不可者。乃引咎自歸。尋顯陟之。其有補于宋治甚鉅。

而潞國反藉是以永其譽然則優容直臣誠秉軸者之
偉節哉顧自漢迄今中更幾賢相而潞國一舉竟爲史
冊奇觀蓋峭直難親軟熟易制諛言便耳激語刺心恒
態固然古今一轍矣然長孺即少踈而武皇至方之古
社稷臣子方一出而孤忠獨立之詠終古藉藉有聲則
須臾一內外資奚足爲丈夫道哉我師應虹歷宜賓尹
著循良聲旣久尋召入爲左諫議侃然以道德佐天
子直聲振一時浹二載擢佐山東憲備兵北海登萊濱
倘亦獎忠直酌年勞之制哉第吾師寔社稷臣旦夕宜
復入侍天子左右恩且鐫金石颺潞國之烈矣

揭

答撫臺龐惺菴揭

支大綸

是一篇報
應文而事
清以不必
張皇乃尔

蒙檄發洪某不道欵目命職廉之比者諏諸故老質諸
閒閭悉無影響而怨家姓氏皆烏有子虛尤無足據過
承重委展轉思惟彌日亘夜謬謂茲舉必不可爲亦必
不能成請借前箸籌之彼獻計者類云分宜之貴也竟
以反坐迄無後詞奚有於卿貳盖分宜柄國亂政中外
側目僕御充多資產狼籍故暗死無詞今洪家不過中
人門可設雀羅性不近聲色左右圖史口談性命亦濁
世之矯矯著聲者也此淫於色附盜以賕爰書則然乃

倚政府結臺司。請張變勾鑪鍾所鍊。摧方爲竄抵金爲
礫。坐反唇以大逆目。莞笑爲誦。訕人命至重。鬼神難欺。
明法幽罰。善福惡禍如火就燥。如水流濕。氣類相投。而
理數有必相值者。特善惡之分數有大小。故禍福之參
會有久近。俗士徂旦夕而不究終始。覩眉睫而不叅要
領。若謂茫茫而徼倖于不必然耳。愚聞在昔武安侯以

盡但喜文法落落

批不

酒過殺灌夫。詞連魏其。俄而武安病呼服謝罪以死。車
呂希時宰。肯誣其帥胡舜陟。死不數日。胡乃白晝執呂
殺之。羅汝楫附秦檜。誣武穆。未幾楫以過死。而其子願
亦擊死于岳祠。王士驪希蔡京。肯殺一無辜婦士驪。隄

死而京及攸脩皆伏誅載在汗竹讀之凜凜胡可罔也
即邇來路楷趙文華阿黨分宜以白蓮教殺沈鍊以失
律殺張經以謫訕殺李默時遷事改身伏殺人之法而
分宜亦以叛誅此耳目之所睹記亦不足信乎彼蚩蚩
者又妄謂分宜事敗乃耳今茲且有無涯之望不次之
榮奚咕咕于陳迹爲也夫王如之隙于王敦也敦欲殺
之而無名乃以意陰授王稜稜即酒中舞劍擊如反命
王敦其希榮何遇謂交手可得而敦乃陽驚曰如吾懿
戚也而稜殺之因殺稜以謝奸雄欺人背面矛盾彼二
心者出死力爲奸雄資徒召禍而敗名耳何榮之可冀

哉故守貞蹈義志遂命立即有不偶天日可明若前數
子者當其得志含殯資嗟奄奄苟全論定禍叢百醜羣
湊唁妻孥而拙詞對僮役而赧汗矣彼其之子面承風
旨力爲從吏蓋其心不附仁義目不知古今逐金帛而
鬼迷競朱紫而神炫如蠅逐臭如蜚弄丸終身憤憤然
聲利是憑且不識禍福安問名義此宣尼所爲歎鄙夫
不可與事君也浮雲易散駒隙易馳膏粱文繡終饜螻
蟻肌骨毛爪卒歸糞壤獨三寸簡冊飯飯耳目千古不
磨柰何汚之又聞諸司忿職倔強議且移牒外郡以竟
斯獄則又舛矣祖宗設推官非若近日之隨巡承委

此段有體

其似于題

其似于題

爾也念黎庶非法用又故設法司以平天下之刑設臬司以平一省之刑設推官以平一郡之刑今之推官溺其職矣臺司既視推官爲私役而奔走之以快一己之喜怒推官亦奔走唯諾以身爲臺司之私人而罔敢抵牾然非設官意也身對大廷銜皇命持平一郡辟辟宥宥惟三尺是繩即主上有令義且以死爭之豈臺司所能他委豈外郡所敢擅行哉天下方廣萬世方遠天命民彝終當顯露安能盡塗其耳目也事係紀綱不敢依違附和以傷雅化唯卒全之勿致紛紛

明文奇賞卷之三十四

史官陳仁錫明卿甫選評

序

重刊西漢書序

張居正

自孔子沒而春秋絕後之論史者乃獨稱遷固遷據左氏國語世本國策作史記而固承父彪之後修西漢書然子長之書雖馳騁該博類取雜家小說以實之其爲文多不馴雅不如固之簡嚴明切叙次有紀何也遷所涉獵者廣帝王本紀多尚書之文世家列傳又本左氏家語及楚漢春秋所錄上下數千載間諸史百氏匪不

亦未可非也

景

通貫而固獨取漢書成一家之言以故其言醇而不駁
緝雜彩者難爲工製段錦者易爲力茲其所以異也然
固雖直述漢事而褒貶論贊比類引合其意又有存于
紀述之外者叙周勃傳而不錄其汗出沾背之恥叙董
仲舒而不載其議和親之疏忠厚之至爲賢者諱志郊
祀則備詳于淫黷之制志禮樂則三復乎仲舒劉向之
言凡皆有深意非淺識者所測也至其準陰陽窮人理
總百氏貫古今訓辭爾雅文質彬彬蓋自史遷以來一
人而已世儒皆喜譏斥前輩或謂固貴諛僞而賤死義
又謂叙司馬遷揚雄傳不當取其自叙而曲記其世系

不知作史之與立言傳道其事不同。彼立言者稱度衡
量不敢有一言之偏。以幾垂訓也。至于作史不然。要在
紀其實耳。雖其是非頗謬于聖人。然或出于一時憤激
之言。非可爲典要也。若固所述亦難輕告定邪正。推幽隱。雖不可
上擬于春秋。然下視范曄陳壽之儔。俚俗濶畧者。可同
語哉。今議者不本其大旨。而特毛舉數事以病固。愚竊
以爲過矣。語曰。十人聚而議之。正使此輩執
筆操觚。與固絜其短長。所創作。或未必逮固。而徒紛紛
以議之。不亦恣輕詆之私。傷旁通之誼哉。三代而下。西
漢之治。最爲近古。所尚皆淳朴忠厚。非後世所及。學者

覽此。不獨可以觀良史之才。亦可考知其世變也已。

贈水部周漢浦權竣還朝序

房本西京
公不惟能
官且能讀

荊州權稅視他處最少居吳楚上游舟楫鱗萃稱會區
焉迺後稍稍寥寂商旅罕至矣漢浦周子始至甲申令
釐宿弊平物價恤無貲賦視舊額務在輕貸與人誦焉
張子曰余嘗與周子論始所建權及後稍異者其略曰
古之爲國者使商通有無農力本穡商不得通有無以
利農則農病農不得力本穡以資商則商病故商農之
勢常若權衡然至于病迺無以濟也異日者富民豪族
莫肯示農農夫藜藿不飽而大賈持其贏餘役使貧民

執政者患之。于是計其貯。俱稍取奇羨以佐公家之急。然多者不過數萬。少者僅萬餘。亦不必取盈焉。要在摧抑浮淫。驅之南畝。自頃以來。外築亭障。繕邊塞。以扞驕虜。內有宮室營建之費。國家歲用率數百萬。天子旰食公卿心計。常慮不能殫給焉。于是徵發繁科。急于救療。而權使亦頗驚益賦。以希意旨。賦或溢于數矣。故余以爲欲物力不屈。則莫若省徵發。以厚農而資商。欲民用不困。則莫若輕關市。以厚商而利農。周子曰。即如是國用不足。奈何。張子曰。余嘗讀鹽鐵論。觀漢元封始元之間。海內困敝甚矣。當時在位者。皆扼腕言權利。而

文學諸生乃風以力本節儉。其言似迂。然昭帝行之。卒
獲其效。故古之理財者。汰浮濫而不驚。厚入節漏費而
不開利源。不幸而至於匱乏。猶當計度久遠。以植國本。
厚元元也。賈生有言。生之者甚少。靡之者甚多。天下財
力安得不訕。今不務除其本而競之。賈豎以益之。不亦
難乎。周子聞余言。則心是之。雖余亦自謂唯周子可以
爲此言也。無何周子事竣。代歸鄉大夫。諸君祖于江上。
徵余言以爲贈。而余以病不能文。因識其所以爲議論
者如此。

贈袁太守入

覲秦績序

荊州領屬城十三疆域之廣甲楚中其稱繁劇難治亦
甲楚中異時長吏三四輩率不勝任去俗日以敝民且
無聊吏部議擇郎署中有威望精吏事者彈壓之宜可
治于是定山袁公以祠部出守茲郡至則接諸吏素犯
法及民梗玩與吏交手爲市者數人郡中震懼莫敢爲
非迺均宗祿舉積滯察寬獄覃德惠政成民安府中晏
然無事上治績更爲諸郡最三年以例入覲歸州知州
汪一勺等戴公倡率之化就余圖所以爲贈者而余適
以賜告歸故得適觀大化之成迺不敢辭序曰昔者仲
尼嘆王化之闕壅慨然稱曰苟有用我者期月而已可

也。三年有成。夫聖人之治。非必神化捷速然也。蓋亦有資於時焉。夫暘者之望雨也。見霍霽而鼓舞。寒者之乞溫也。睹束煖而挾纊。周衰列國。力政疲民。思欲息肩於有德。苟有聖人起而拯之。直易易也。假令仲尼當唐虞之時。處比封之俗。殆與其民相忘於無事耳。所謂可與成者。安可得見哉。是故聖人乘敝而達變。智者因難而顯功。民之嗷嗷。固賢聖之所資也。往者荆之俗。常壞於積偷矣。公徐至而救之。曾不數年。竟以大治。何則。勢激者易變。願得者易與。當此之時。民之思良吏如嬰兒之望慈母。故董之以威。則民畏而感之。以惠。則民懷其勢。

以氣平爲
政妙論

居然也。茲非所謂乘其時者乎。往余在京師見今之仕
者咸重內而輕外。而天官宗伯之屬最爲優崇。尤不樂
補出爲吏。即欲出亦自擇善地簡僻易治者。然後去。以
爲常。公始在蘭省用清望著聞。及出守。是郡人且謂公
難之。公恬然不爲動。蓋其氣愈平。故其政愈精也。嗟乎
孰知繁劇盤錯更足爲君子樹立資也乎。雖然不擇難
易而受任者。人臣之分也。均節勞逸而校功者。勸臣之
道也。余不敢知其他。竊見今用守令與遷轉之法。率不
量地之難易。事之繁簡。一以資格爲斷。太守治郡有效。
滿歲稱職。財得拜一級。爲按察使副。即有卓絕異等。殫

精畢力。亦不得驀常格而優游簡僻。縱無他長。亦得積日累歲。擢陞是官。如是是勞逸無等也。即人心何勸。方今吏治頽靡。民俗疲瘵。意者且將少變今法。以重擇守令。而後可耶。夫欲重守令。則必顯能治劇難。有勞苦功多者。以風天下。如公宜何以處之。茲其行也。僭爲之言。

壽襄王殿下序

言之有故
遂使巫祝
之語可以
謨誥

今祝人主壽者曰萬歲。祝侯王者曰千歲。夫人壽之不可幾以千萬稔矣。而祝者咸願之。則世主侯王之與衆庶異也。夫物有便於已。則願常有之。無便於已。即一日不能相守。日之中天也。有目者待以視。有足者待以行。

雞三號延頸跂踵東面而啼無不願萬年有日者非愛之也恃賴焉故也五嶽四瀆之居於方隅也與雲雨胎寶藏以給人之求人莫不禱祀而祈福焉利在焉故也人主者日也侯王者岳瀆也人主兼利天下天下無不願以爲君侯王澤逮一國一國無不願以爲君故人主萬歲則天下之人以萬歲蒙其利矣侯王千歲則一國之人以千歲蒙其利矣故世之祝人主侯王者莫不願其千歲萬歲何者便於已故也非然者且爲厲爲孽將誹譏之是承何千萬之有襄之建國百年矣世濟其德以屏翊帝室至今王益有聲江漢間居正自家食時

聞王之賢未見也、及過襄陽、竊從下風、望見顏色、王天下之賢王也、夫賢者使人愛而戴之、便而安之、居正竊聞太守汪大夫言、王雖處崇鉅、其自約結、恒如處子、士大夫過封內者、無問知與不知、必降接禮遇、下客已甚、其惠民也渥、而馭左右也甚嚴、事涉有司、即有司人百曲不罪也、左右人雖百直、猶不貸、務在訕已、檢下、以信有司之法、故自太守以下、至於編戶之氓、咸曰、王有大惠於襄之吏民、吏民靡有秋毫可以報塞者、獨願王千歲有國、以重惠襄之人、此之爲德、不直一手一足便之而已、夫淵深而魚聚之、林茂而鳥獸歸焉、詩曰、投我以

桃報之以李。工所以投於襄之吏民者厚矣。非壽考祺福將安用報乎。雖然。竊有願焉。王亦知夫敖氏之積粟者乎。周人有敖氏者。積粟盈囷。足支數十年未足也。而問貯積於嗇夫。嗇夫曰。子之積厚矣。吾無以益子。子而計子之所有者。慎用之而已。夫圭撮之不慎。鍾筭洩之。鍾筭之不慎。尾閭洩之。江海雖大也。以奉漏卮。則沒世不能取盈焉。我嗇夫也。吾告子以嗇而已。夫神不可以驚用。嗇之則凝。福不可以驟享。嗇之則永。疆不可以厚恃。嗇之則堅。故聖人之言曰。事天治人。莫如嗇。王今年三十春秋矣。計三十之於千歲也。不猶積貯盈囷而始。

去其主撮者乎。王誠能少垂聽於嗇夫之論。無輕用其
年力之富。以順神而思永。則所謂千歲云者。猶近言之
也。

問。張蘇然。嗇夫。嗇夫曰。士之於財。與夫吾無以終。士子而
於乎。國人亦法。九。嗇夫。嗇夫曰。士子而於乎。國人亦法。九。
嗇夫。嗇夫曰。士子而於乎。國人亦法。九。嗇夫。嗇夫曰。士子而
於乎。國人亦法。九。嗇夫。嗇夫曰。士子而於乎。國人亦法。九。

傳

王承奉傳

張居正

王承奉大用者霸州人也逮事 敬皇帝爲奉御侍

慈壽皇太后於仁壽宮 毅皇帝時陞御馬監太監賜

蟒衣內苑乘馬通顯矣然性刻廉剛直弗能下其儔輩

以是不得久內庭出爲遼府承奉是時遼莊王病不能

視事委政國妃毛氏國妃賢通書史沉毅有斷而承奉

從內佐之所釐正國家事不可勝道頃之莊王與國妃

相繼薨嗣王立王聰敏辯給而嗜利刻害及長多不法

常出數百里外遊戲有司莫敢止故無所憚然心獨憚

承奉承奉好直諫王積弗能忍乃曰承奉老矣宜免朝請於是承奉希得見王王少無子所幸樂婦生子置外舍久之王有菱病度終無子乃取外舍兒內宮中時兒已八歲詐曰宮人某氏子欲以聞於朝故事王子生承奉司即具所生母姓名及產媼狀關相長史乃得奏附玉牒王以其事下承奉承奉愕曰王安得有子承奉乃不識何宮人有娠及產子狀不敢奉令王大怒曰老奴敢爾者死耶於是盡捕承奉諸用事者皆榜笞數百被重罪欲以迫脅承奉承奉終不爲動王乃召承奉繆爲好語曰而不知予之爲病邪事成而有後主而富貴可長

保獨奈何爲他人忠承奉伏地叩頭流涕曰老奴受國厚恩死無以報顧此事涉欺罔法例嚴甚王子非真子外悉知之後有發者禍且不測老奴死不敢奉令王謬謝曰承奉言是也乃以計給奪其印而自署承奉名行之承奉旣見欺無可奈何慙以首撞壁大叫曰生不幸爲刑餘又棄外藩今王所爲如是吾弗能匡救禍且及矣誠不忍老見刑獄即閉戶自經繩欲絕會有救者得甦日夜涕泣竟至失明以死國人悲焉

太史張氏曰余在史局好問先朝事諸老闍語及孝廟時輒流涕有哽咽者及歸楚見王承奉憶往事猶能

本
善之澤人
人具識大
休

歷歷道也。語具別錄中。夫。地之美者。善養禾。君之仁者。善養士。何。敬皇帝時。人物之茂。乃其廩隸亦莫不有。大臣風節焉。觀其臨議。執正毅然。不爲利回。不爲威惕。雖壯夫哲士。何以加焉。第令久內庭。筦樞密。如近時興。安懷恩。輩詎足多哉。余以是知。敬皇帝之澤人深矣。王承奉蓋弘治間人也。

擬書

擬韓信諭燕書

張居正

有太模擬
說客處而
筆力自邁

信已破趙，用李左車之計，使人遺書燕王，臧荼曰：「蓋聞聖人不違天以立事，智者不悖時而建功。是以伊尹醜夏，歸亳，微子去殷，即周。彼二賢者，皆審天命之歸，以決去就之義，是以福慶流于無窮，聲名著于後世也。往者天下同患，苦秦豪傑蠡起。漢王與項羽戮力攻秦，懷王約諸將曰：『先入關者王之。』漢王先破秦，當王關中，羽倍約，奪漢王關中，而王之巴蜀。又以私意，易置侯王。盡王其將相功臣于善地，而徙其故主于長沙。已又弑之。漢

王因天下不平。發蜀漢之士。還定三秦。縞素而問弑君之罪。天下豪傑雲合響應。皆棄楚而歸漢。故天命之數。歸于漢王。愚知所知也。魏王豹背畔無親。絕河津。距境而自王。僕受命徇河北之未附者。涉西河。虜魏豹。下四十餘城。遂擒夏說。闕與下。今趙又破矣。便欲乘勝北首燕路。而軍吏皆曰。趙破燕固自宜聽從。若其從焉。又烏用多殺士大夫爲也。故按兵驛士。使人獻愚計于左右。僕聞周易垂知幾之箴。兵家審彼己之勢。鄭伯面縛。嚴王退舍。國小圖大。宋以敗亡。詩云。禍福無不自已求之者。願足下詳計而熟圖焉。今爲燕謀者必曰。我有易水。

之險漢兵遠來勢孤援絕而欲以長技取勝是自速其
危亡者也且成安君有百戰百勝之計阻井陘之固連
燕齊之兵南面而爭權于天下然僕以偏師鼓行而前
不崇朝破趙二十萬衆遂斬成安君泚水上夫燕之恃
以自蔽者獨趙耳昔號破而虞亡韓降而魏懼前事之
不忘後事之永鑒故凡爲足下謀者皆危亡之路不忠
于足下不可用也爲足下計莫若息兵徹備以身自託
于漢僕請爲足下報漢王即燕封足下剖符世世與漢
終始無極孰與勢窮力蹙坐而待亡乎計不出此以區
區之燕遠託于孤絕垂亡之楚而欲鼓螳臂之勇以抗

明文音覽 卷之三
乘勝之師、僕之所慮、薊丘之壤、不可以圖存、成安之事、
復見于今日矣、故願足下詳計而熟圖也、危亡之端、禍
福之機、迅如發矢、不預揆之、後悔何及、

雜著

陸象山言唐虞之時

張居正

舍此四字
何處討論
治道

陸象山言唐虞之時。道在臯陶。今觀虞廷之臣所爲陳
謨獻說。唯臯陶之言至爲精粹。知人安民二語。乃萬世
治天下者之準則。以九德甄別人才。以率作考成保泰
守業。無一語不關切治道。當時禹經理九州十餘年。在
外宅揆之任。必屬之臯陶。故舜與之論道。論治其言獨
多。虞廷至治。實臯陶致之。後舜贊其功。曰。俾予從欲以
治。四方風動。惟乃之休。禹曰。臯陶邁種德。德乃降。黎民
懷之。後世獨見舜士師之命。遂言臯陶終身爲刑官。殆

不然也。禹之推讓懇切，諄至必有以服其心者。但皋陶贊襄左右，默運機衡，功在不顯，而禹平成永賴之績，昭塞宇宙。故舜因天下之心以命之，其實亦心知皋陶之德之盛也。禹之時，皋陶必已不存，使其尚在，禹豈舍之而傳子乎？後世惟伊尹學術事業可與並稱，至于周公稍覺多事矣。

天下之勢最患於成，成則未可以驟反。治之勢成，欲變而之亂難；亂之勢成，欲變而之治難。譬之霖潦之時，淡雲薄霧皆足致雨，雖日光暫吐，旋即彌覆。陰之勢成，故

公之倦倦
于盜賊以
此

也。亢旱之歲。日光酷烈。潤氣全消。雖雲靄旋興。旋即解散。燠之勢成故也。夫亂非一日之積也。上失其道。民散於下。貪吏虐政。又從而驅迫之。於是不逞之徒乘間而起。堤防一決。雖有智者無如之何矣。夫吏之被訐也。以虐政毒民。然茹其毒者。恒不能訐吏。而訐吏者。皆武斷鄉曲。素不畏官法者也。盜之起也。以迫於飢寒。然飢寒者不能爲盜。而爲盜者皆探丸亡命。喜亂好鬪者也。彼方含毒挾刃。以鬪一時之釁。而爲人上者。又以亂政驅之。藉其怨憤。無聊之心。以鼓其好亂不逞之氣。焱至火烈。一旦遂欲撲滅之能乎。故識其幾。而豫圖潛消之上。

也。不幸而至於是在上者有人。引咎罪已。拯罷困之民。誅貪賊之吏。使天下之人。係心於上。而未睽離。則盜賊之勢孤。而應之者少。數年之後。根本漸固。人心漸安。不逞之徒。其忿已泄。而其勢日殺。庶可解散耳。然至是國家之元氣。十損八九矣。故勢之未成。中材可以保圖。勢之既成。智者不能措意。賈生之論曰。借使子嬰有庸主之才。僅得中佐。山東雖亂。秦之地可全。而有此不揣事勢之言也。夫天下怨秦久矣。當此之時。雖伊呂何益乎。

國勢強則動

國勢強則動罔不吉。國勢弱則動罔不害。譬人元氣充

老於經國
之言

實年力少壯、間有疾病、旋治旋愈、湯劑鍼砭、咸得收功、
元氣虛弱、年力衰憊、一有病患、補東則耗西、實上則虛
下、雖有扁盧、無可柰何、昔有人年七十矣、而患腸澼、醫
曰、此臟熱也、飲以寒劑、寒停胃中、腸澼未愈、而病胃不
能食、醫曰、此中寒也、投以溫劑、助其飲啖、虛火內炎、胃
未強而病眩、胃不能寢、於是又從而消導之、下利數日、
而斃矣、此其治之非不對症也、而卒以死者、元氣不勝
故也、是以君子爲國、務強其根本、振其紀綱、厚集而拊
循之、勿使有釁、脫有不虞、乘其微細、急撲滅之、雖厚費
不惜、勿使滋蔓、蔓難圖矣、

今所愛者
無其而其
委實在無
刑

天下之事極則必變

天下之事極則必變、變則反始、此造化自然之理也。堯舜已前、其變不可勝窮、已歷夏商、至周而靡敝已極、天下日趨於多事。周王道之窮也、其勢必變而爲秦、舉前代之文制、一切剗除之、而獨持之以法、此反始之會也。然秦不能有、而漢承之、西漢之治、簡嚴近古、實賴秦爲之驅除、而貢薛韋匡之流、乃猶取周文之糟粕、用之於元成衰弱之時、此不達世變者也。歷漢唐至宋而文敝已甚、天下日趨於矯僞、宋頽靡之極也、其勢必變而爲胡元、取先王之禮制、一舉蕩滅之、而獨治之以簡、此復

能用處則
知人安民
言有實下
手

古之會也。然元不能久。而本朝承之。國家之治簡嚴質朴。實藉元以爲之驅除。而近時迂腐之流。乃猶祖晚宋之弊習。而妄議我祖宗之所建立。不識治理者也。

三代至秦渾沌之再

三代至秦渾沌之再闢者也。其創制立法。至今守之以爲利。史稱其得聖人之威。使始皇有賢子。守其法而益振之。積至數十年。繼宗世族芟夷已盡。老師宿儒聞見悉去。民之復起者。皆改心易慮。以聽上之令。即有劉項百輩。何能爲哉。惜乎扶蘇仁懦。胡亥稚蒙。奸宄內發。六

國餘孽尚存、因天下之怨、而以秦爲招、再傳而蹙、此始皇之不幸也。假令扶蘇不死、繼立、必取始皇之法、紛更之、以求復三代之舊。至於國勢微弱、強宗復起、亦必亂。後世儒者、苟見扶蘇之諫、焚書坑儒、遂以爲賢、而不知亂秦者扶蘇也。高皇帝以神武定天下、其治主於威強。前代繁文苛禮、亂政弊習、剗削殆盡、其所芟除、夷滅秦法、不嚴於此矣。又渾沌之再闢也、懿文仁柔

建文誤用齊黃諸人、踵衰宋之陋習、日取高皇帝約束紛更之、亦秦之扶蘇也。建文不早自敗、亦必亡國。幸賴成祖神武起而振之、歷仁宣英憲

孝皆以剛明英斷、總攬乾綱、獨運威福、兢兢守
帝之法、不敢失墜、故人心大定、而勢有常尊、至於
廟承正德、羣奸亂政之後、又用威以振之、恢皇綱、飭法
紀、而國家神氣爲之再揚、蓋人心久則難變、法之行
不可慮、始即有不便於人者、彼久而習之、長而安焉、亦
自無不宜矣、三代惟商之規模法度、最爲整肅、成湯伊
尹以聖哲勇智、創造基業、其後賢聖之君六七作、故國
勢常彊、紂雖無道、而周取之甚難、以文武周公之聖、世
歷三紀、始得帖然順服、蓋天下之歸殷久矣、余嘗謂
本朝立國規模、大略似商、周以下遠不及也、列聖相

承綱維不振。雖歷年二百有餘。累經大故。而海內人心晏然不搖。斯用威之効也。腐儒不達時變。動稱三代云云。及言革除事。以非議我二祖法令者。皆宋時奸臣賣國之餘習。老儒臭腐之迂談。必不可用也。

王端毅公恕

王端毅公恕。老而好學。在留都一日。出有狂夫向公呼萬歲。公入部。延僚屬告之。婁駕部曰。昔張乖崖守蜀。三軍呼萬歲。乖崖應之甚善。公曰。止。勿言。即退。私宅戒闢人謝賓客。勿通靜坐。思數策。明早以語駕部。駕部不答。公乃問曰。當時乖崖何以處之。曰。亟下馬。呼萬歲。公喟

然歎曰。吾輩安能及古人。彼倉卒應變而有餘。吾終日思之而不得。

今吳中製器者

今吳中製器者。競爲古拙。其耗費財力。類三年而成一楮葉者。是以拙爲巧也。今之仕者。以上之惡。虛文責實。效又驚爲拙。直任事之狀。以爲善宦之資。是以忠爲詐也。嗚呼。以巧爲巧。其敝猶可救也。以拙爲巧。其敝不可救也。以詐爲詐。其術猶可闕也。以忠爲詐。其術不可闕也。

表

擬唐回鶻盟沒斯率衆內附詔宰相李德裕撰異
域歸忠傳賜之羣臣賀表

會昌二年

莊兩亦似
贊皇

伏以 聖主中興九譯戴同文之治名王內附十行承
賜札之恩仰舜德以咸賓誦堯言而不式聲施蠻貊歡
動寰區竊惟聖人以六合爲家則邇者安遠者至 天
子以四夷爲守則要服貢荒服王嘉靖殷邦爰致氏羌
之享丕單武烈聿來肅慎之庭凡雕題漆齒之氓盡圖
王會若辨髮貫胸之長咸隸象胥盖上仁所不懷必至
誠爲能化惟茲回鶻世長北畚樹茅乘突厥之衰通道

值貞觀之盛。燕然請吏。犬羊竊比於中華。靈武徵兵。蛇豕荐窺乎上國。洎葉護徂東都之勝。致懷恩勾朔漠之師。金縉和親。不解南侵之禍。邊城互市。竟淪北面之盟。烽煙時徹於甘泉。車駕頻煩於細柳。屬關隴腥膻之後。徒事羈縻。當藩臣跋扈之秋。未遑經畧。百年胡運。尚寬膏斧之誅。一統皇輿。忽覩獻琛之會。此蓋伏遇聖宣聰明天錫。勇智垂衣而治。際河清海宴之期。秉鉞有虔。鼓雷厲風飛之烈。坐明堂而朝羣后。惠中國以綏四方。冠帶月支。旅應騶牙之瑞。梯航日出。咸輸象齒之珍。神威交鬯於遐荒。德教誕敷於遐譯。遂使可汗遺胄。繫組

來朝特勅大酋韜戈款塞豺狼伏其兇性鷗臬懷我好
音雖夷情之叛服靡常要聖澤之涵濡無外丹書錫誓。
旣崇日逐之封赤芾疏榮仍懋秩訾之賞載厯宸慮特
詔台司褒武義貞烈之臣輯異域歸忠之傳遠稽秦漢
近採皇唐始戎由余之見幾終尚可孤之著節寫諸琬
琰播狼胥瀚海之聲炳若丹青掩麟閣雲臺之美袞鉞
中嚴於筆削絲綸下逮於堯離感以至誠喜溢淄青之
詔陳之大訓榮逾飛白之書俾觀古以知今用變夷而
之夏信王者懷柔之大德妙聖人鼓舞之微權彼呼韓
請朝特位侯王之上乃竇融歸款遽蒙圖傳之頒然未

有襲我冠裳爲王屏翰稽顙而臣闕下穹廬獲齒於內
藩推心以置腹中文字遂通于殊俗允矣聖朝之盛事
昭哉史冊之休光臣等材謝請纓籌踈借筋元戎十乘
期賡六月之詩于羽兩階幸覩七旬之格瞻龍顏而有
喜肅虎拜以揚休伏願居安虞危柔遠能邇如天覆幬
益隆下濟之謙未雨綢繆彌切外寧之懼戢干戈橐弓
矢萬方偃武以修文役叩笏朝冉駹億載宅中而圖大

疏

陳六事疏

張居正

臣聞帝王之治天下有大本有急務正心修身建極以爲臣民之表率者圖治之大本也審幾度勢更化宜民者救時之急務也大本雖立而不能更化以善治譬之琴瑟不調不解而更張之不可鼓也恭惟我皇上踐祚以來正身修德講學勤政惓惓以敬天法祖爲心以節財愛民爲務圖治之大本旣以立矣但近來風俗人情積習生弊有頽靡不振之漸有極重難反之幾若不稍加改易恐無以新天下之耳目一天下之心志

臣不揣愚陋。日夜思維。謹就今時之所宜者。條爲六事。開款上。請用備。聖明採擇。臣又自惟幸得以經術遭逢。聖主備位。輔弼朝夕。與同事諸臣。寅恭諧協。凡有所見。自可隨事納忠。似不必更有建白。但臣之愚昧。竊見皇上有必爲之志。而淵衷靜默。臣下莫能仰窺。天下有願治之心。而舊習因仍。趨向未知所適。故敢不避形迹。披瀝上陳。期於宣昭主德。而齊一衆志。非有他也。伏乞聖慈垂鑒。俯賜施行。天下幸甚。臣愚幸甚。

計開

一省議論臣聞天下之事慮之貴詳行之貴力謀在於衆斷在於獨漢臣申公云爲治不在多言顧力行何如耳臣竊見頃年以來朝廷之間議論太多或一事而甲可乙否或一人而朝由暮跲或前後不覺背馳或毀譽自爲矛盾是非淆於唇吻用舍決於愛憎政多紛更事無統紀又每見督撫等官初到地方卽例有條陳一疏或漫言數事或更置數官文藻競工覽者每爲所眩不曰此人有才卽曰此人任事其實蒞任之始地方利病豈盡周知屬官賢否豈能洞察不過採聽於衆口耳讀其詞藻雖若爛然究其指歸茫未有效比其久也或

并其自言者而忘之矣。即如昨年皇上以虜賊內犯。特勅廷臣集議防虜之策。當其時衆言盈庭。羣策畢舉。今又將一年矣。其所言者果盡。舉行否乎。其所行者果有實效否乎。又如薊鎮之事。初建議者曰。吾欲云云。當事者亦曰。吾欲云云。曾無幾何。而將不相能。士譁於伍。異論繁興。訛言踵至。於是議罷練兵者。又紛紛矣。臣竊以爲事無全利。亦無全害。人有所長。亦有所短。要在權利害之多寡。酌長短之所宜。委任責成。庶克有濟。今始則計慮未詳。旣以人言而遽行。終則執守靡定。又以人言而遽止。加之愛惡交攻。意見橫出。讒言微中。飛語流

傳尋之莫究其端聽者不勝其眩是以人懷疑貳動見
請張虛曠歲時成功難睹語曰多指亂視多言亂聽此
最當今大患也伏望皇上自今以後勵精治理主宰
化機掃無用之虛詞求躬行之實效欲爲一事須審之
於初務求停當及計慮已審即斷而行之如唐憲宗之
討淮蔡雖百方阻之而終不爲之搖欲用一人須慎之
於始務求相應既得其人則信而任之如魏文侯之用
樂羊雖謗書盈篋而終不爲之動再乞天語叮嚀部
院等衙門今後各宜仰體朝廷省事尚實之意一切
章奏務從簡切是非可否明白直陳毋得彼此推諉徒

以質文爲
厚薄
之言可省
天

明文音賞 卷之三 四
託空言其大小臣工亦各宜秉公持正以誠心直道相
與以勉修職業爲務反薄歸厚尚質省文庶治理可興
而風俗可變也伏乞 聖裁
一振紀綱臣聞人主以一身而居乎兆民之上臨制四
海之廣所以能使天下皆服從其教令整齊而不亂者
紀綱而已綱如網之有繩紀如絲之有總詩曰勉勉我
王綱紀四方此人主太阿之柄不可一日而倒持者也
臣竊見近年以來紀綱不肅法度不行上下務爲姑息
百事悉從委徇以模稜兩可謂之調停以委曲遷就謂
之善處法之所加唯在於微賤而強梗者雖壞法干紀

而莫之誰何禮之所制反在於朝廷而爲下者或越理犯分而恬不知畏陵替之風漸成指臂之勢難使賈誼所謂踈鑿者深可慮也然人情習玩已久驟一振之必將曰此拂人之情者也又將曰此務爲操切者也臣請有以解之夫徇情之與順情名雖同而實則異振作之與操切事若近而用則殊蓋順情者因人情之所同欲者而施之太學所謂民之所好好之民之所惡惡之者也若徇情則不顧理之是非事之可否而惟人情之是便而已振作者謂整齊嚴肅懸法以示民而使之不敢犯孔子所謂道之以德齊之以禮者也若操切則爲

嚴刑峻法虐使其民而已。故情可順而不可徇。法宜嚴而不宜猛。伏望皇上奮乾綱之斷。普離照之明。張法紀以肅羣工。攬權綱以貞百度。刑賞予奪一歸之公道。而不必曲徇乎私情。政教號令必斷於宸衷。而毋致紛更於浮議。法所當加雖貴近不宥。事有所枉雖疎賤必申。仍乞勅下都察院查照嘉靖初年所定憲綱事理。再加申飭。秉持公論。振揚風紀。以佐皇上明作。屬精之治。庶體統正。朝廷尊。而下有法守矣。伏乞聖裁。

一重

詔令臣聞君者主令者也。臣者行君之令而致

之民者也。君不主令，則無威。臣不行君之令，而致之民，則無法。斯大亂之道也。臣看得舊規，凡各衙門章奏奉旨有某部看了來說者，必是緊關事情重大機務有某部知道者，雖若稍緩，亦必合行事務或關係各地方民情利病該衙門自宜叅酌緩急次第題覆，至於發自聖衷特降勅諭者，又與泛常不同。尤宜上緊奉行，事乃無壅。蓋天子之號令，譬之風霆。若風不能動，而霆不能擊，則造化之機滯而乾坤之用息矣。臣竊見近日以來，朝廷詔旨多廢格不行，抄到各部，繫從停閣，或已題奉欽依，一切視爲故紙，禁之不止，令之不從，至於

應勘應報奉

旨行下者各地方官尤屬遲慢有查勘

一事而十數年不完者文卷委積多致沉埋于證之人

半在鬼錄年月既遠事多失真遂使漏網終逃國有不

伸之法覆盆自苦人懷不白之冤是非何由而明賞罰

何由而當伏望勅下部院等衙門凡大小事務既奉

明旨須數日之內即行題覆若事理了然明白易見者

即宜據理剖斷毋但諉之撫按議處以致耽延其有合

行議勘問奏者亦要酌量事情緩急道里遠近嚴立限

期責令上緊奏報該部置立號簿登記註銷如有違限

不行奏報者從實查叅坐以違制之罪吏部即以此

務使枉屈
朝廷法紀
編紀

考其勤惰以爲賢否然後人思盡職而事無壅滯也伏乞聖裁

一覈名實臣聞人主之所以馭其臣者賞罰用舍而已欲用舍賞罰之當在於綜覈名實而已臣每見朝廷欲用一人當事者輒有乏才之嘆竊以爲古今人才不甚相遠人主操用舍予奪之權以奔走天下之士何求而不得而曰世無才焉臣不信也惟名實之不覈揀擇之不精所用非其所急所取非其所求則上之爵賞不重而人懷僥倖之心牛驥以並駕而俱疲工拙以混吹而莫辨才惡得而不乏事惡得而有濟哉臣請略言其

槩夫器必試而後知其利鈍馬必駕而後知其駑良今
用人則不然稱人之才不必試之以事任之以事不必
更考其成及至僨事之時又未必明正其罪惟魯少文
者以無用見譏而大言無當者以虛聲竊譽倜儻伉直
者以忤時難合而脂韋逢迎者以巧宦易容其才雖可
用也或以卑微而輕忽之其才本無取也或以名高而
尊禮之或因一事之善而終身借之以爲資或以一動
之差而衆口訾之以爲病加以官不久任事不責成更
調太繁遷轉太驟資格太拘毀譽失實且近來又有一
種風尚士大夫務爲聲稱舍其職業而出位是思建白

條陳連編累牘至覈其本等職業反屬茫昧主錢穀者
不對出納之數司刑名者未諳律例之文官守旣失事
何由舉凡此皆所謂名與實爽者也如此則真才實能
之士何由得進而百官有司之職何由得舉哉故臣妄
以爲世不患無才患無用之之道如得其道則舉天下
之士唯上之所欲爲無不應者臣願 皇上慎重名器
愛惜爵賞用人必考其終授任必求其當有功於 國
家即千金之賞通侯之印亦不宜吝無功 國家雖嘖
笑之微敝誇之賤亦勿輕予仍乞 勅下吏部嚴考課
之法審名實之歸遵照 祖示舊制凡京官及外官三

六年考滿毋得槩引復職濫給恩典須明白開具稱

職平常不稱職以爲殿最若其功過未大顯著未可遽
行黜陟者乞將誥勅勲階等項酌量裁與稍加差等
以示激勸至於用舍進退一以功實爲準毋徒眩於聲
名毋盡拘於資格毋搖之以毀譽毋雜之以愛憎毋以
一事槩其平生毋以一箚掩其大節在京各衙門佐貳
官須量其才器之所宜者授之平居則使之講究職業
贊佐長官如長官有缺即以佐貳代之不必另索其屬
官有諳練故事盡心官守者九年任滿亦照吏部陞授
京職高者即轉本衙門堂上官小九卿堂官品級相同

者不必更相調用。各處巡撫官果於地方相宜久者或就彼加秩。不必又遷他省。布按二司官如叅議久者即可陞叅政。僉事久者即可陞副使。不必互轉數易。以滋勞擾。如此則人有專職。事可責成。而人才亦不患其缺乏矣。此外如臣言有未盡者亦乞勅下該部悉心講求條例具奏伏乞聖裁。

一固邦本。臣聞帝王之治。欲攘外者必先安內。書曰民爲邦本。本固邦寧。自古雖極治之時。不能無夷狄盜賊之患。唯百姓安樂。家給人足。則雖有外患。而邦本深固。自可無虞。唯是百姓愁苦。思亂民不聊生。然後夷狄盜

賊乘之而起。蓋安民可與行義而危民易與爲非其勢然也。恭惟皇上嗣登大寶首下蠲卹之詔。黎元忻忻方切更生。獨昨歲以元年蠲賦一半。國用不足。又邊費重大。內帑空乏。不得已差四御史分道督賦。三都御史清理屯鹽。皆一時權宜以佐國用之急。而人遂有苦其搜括者。臣近日訪之外論。皆稱不便。緣各御史差出。目覩百姓窮苦。亦無別法清查。止將官庫所儲盡行催解。以致各省庫藏空虛。水旱災傷。視民之死而不能賑。兩廣用兵。供餉百出而不能支。是國用未充而元氣已耗矣。臣竊以爲天之生財在官在民。止有此數。譬之於

人稟賦強弱自有定分善養生者唯樽節愛惜不以嗜
欲戕之亦皆足以卻病而延壽昔漢昭帝承武帝多事
之後海內虛耗霍光佐之節儉省用與民休息行之數
年百姓阜安國用遂足然則與其設法征求索之于有
限之數以病民孰若加意省儉取之於自足之中以厚
下乎仰惟 皇上即位以來凡諸齋醮土木淫侈之費
悉行停革雖大禹之克勤克儉不是過矣然臣竊以爲
矯枉者必過其正當民窮財盡之時若不痛加省節恐
不能救也伏望 皇上軫念民窮加惠邦本於凡不急
工程無益徵辦一切停免敦尚儉素以爲天下先仍乞

勅下吏部慎選良吏。牧養小民。其守令賢否。殿最惟以守已端潔。實心愛民。乃與上考稱職。不次擢用。若但善事上官。幹理簿書。而無實政。及於百姓者。雖有才能。幹局止與中考。其貪污顯著者。嚴限追贓。押發各邊自行輸納。完日發遣。發落不但懲貪。亦可以爲實邊之一助。再乞勅下戶部悉心講求財用之所以日匱者。其弊何在今。欲措理其道。何由今。風俗侈靡。官民服舍俱無限制。外之豪強。兼并賦役不均。花分詭寄。恃頑不納。田糧偏累小民。內之官府。造作侵欺。冒破奸徒。罔利有名。無實各衙門在官錢糧。漫無稽查。假公濟私。官吏滋弊。

凡此皆耗財病民之大者。若求其害財者而去之。則亦何必索之於窮困之民。以自耗。國家之元氣乎。前項催督御史事完之後。宜即令回京。此後不必再差重爲地方之病。其屯鹽各差。部御史應否取回。別用。但責成於該管撫按使之悉心清理。亦乞勅下該部從長計議具奏。定奪以後。上下唯務清心省事。安靜不擾庶民生可遂。而邦本獲寧也。伏乞聖裁。

一飭武備。臣惟當今之事。其可慮者。莫重於邊防。廟堂之上。所當日夜圖畫者。亦莫急於邊防。邇年以來。虜患日深。邊事久廢。比者屢蒙聖諭嚴飭邊臣。人心思奮。

一時督撫將領等官頗稱得人目前守禦似亦畧備矣然臣以爲虜如禽獸然不一創之其患不止但戰乃危事未可易言須從容審圖以計勝之耳今之上策莫如自治而其機要所在惟在皇上赫然奮發先定聖志聖志定而懷忠蘊謀之士得效於前矣今譚者皆曰吾兵不多食不足將帥不得其人臣以爲此三者皆不足患也夫兵不患少而患弱今軍伍雖缺而糧籍具存若能按籍徵求清查影占隨宜募補着實訓練何患無兵捐無用不急之費併其財力以撫養戰鬪之士何患無財懸重賞以勸有功寬文法以伸將權則忠勇之

夫孰不思奮。又何患於無將。臣之所患。獨患中國無奮
勵激發之志。因循怠玩。姑務偷安。則雖有兵食良將。亦
恐不能有爲耳。故臣願皇上急先自治之圖。堅定必
爲之志。屬任謀臣。修舉實政。不求近功。不忘有事。熟計
而審行之。不出五年。虜可圖矣。至於目前自守之策。莫
要於選擇邊吏。團練鄉兵。併守墩堡。令民收保。時簡精
銳。出其空虛。以制之。虜即入犯。亦可不至太失。此數者
昨雖已經閣部議行。臣愚猶恐人心玩愒。日久尚以虛
文塞責。伏乞勅下兵部。申飭各邊督撫。務將前事着
實舉行。俟秋防畢。日嚴查有無實效。大行賞罰。庶沿邊

諸郡在在有備而虜不敢窺也。再照祖宗時京營之兵數十萬。今雖不足。尚可得八九萬人。若使訓練有方。亦豈盡皆無用。但士習驕惰。法令難行。雖春秋操練。徒具文耳。臣考之古禮。及我祖宗故事。俱有大閱之禮。以習武事而戒不虞。今京城內外守備單弱。臣常以爲憂。伏乞勅下戎政大臣。申嚴軍政。設法訓練。或每歲或間歲。季冬農隙之時。恭請聖駕親臨校閱。一以試將官之能否。一以觀將士之勇怯。有技藝精熟者。分別賞賚。老弱不堪者。即行汰易。如此。不惟使輦轂之下。常有數萬精兵。得居重馭輕之道。且此一舉動。傳之遠近。皆

簡尚典要
先從制
詔始其急
務也

知皇上加意武備整飭戎事亦足以伐狂虜之謀銷
未萌之患誠轉弱爲強之一機也伏乞聖裁

明制體以重王言疏

竊照閣臣之職專一視草代言故其官謂之知制誥。
若制詞失體以致輕褻王言則閣臣爲不職矣謹
按舊規凡官員應給誥勅該部題奉欽依手本到
閣撰述官先具稿送臣等看詳改定謄寫進呈候批
紅發下撰述官用關防掛號然後發中書舍人寫軸用
寶此定制也至於制命之詞貴在簡嚴莊重乃爲得
體查得成化弘治年間誥勅叙本身履歷功績不過

百餘字。祖父母父母及妻室不過六七十字。至於慶典覃恩。則其詞尤簡。蓋以恩例繁及比之考績不同。故以賚被爲榮。不必詳其閱歷。此制體也。近年以來俗尚干求詞多浮靡。撰述官沿襲宿弊。往往不候進呈。先將文稿傳示於人。其中詞語又過爲誇侈。多至百千言。或本無實行。虛爲頌美。或事涉幽隱。極力宣揚。臣等方欲爲之更定。而本官已先得稿登軸矣。夫詔勅者。朝廷所以告諭臣下者也。臣諛其君。猶謂之佞。況以上諛下。是何理乎。查得嘉靖十二年。該大學士張孚敬等題爲重誥勅事奉。世宗肅皇帝聖旨。卿等

所言足見敬慎至意。近年以來委的誥詞之文浮泛誇
譽。至於數百甚非制體。甚非王言。今後都着刪去。浮詞
以存實體。欽此。又該本官題爲前事參論。制勅房辦
事大理寺評事岳梁撰擬南京兵部尚書陶琰贈官
誥文。浮詞誇誕。又不先送內閣看詳。輒便進呈等因。
奉世宗肅皇帝聖旨。卿等另撰誥文來看。岳梁騁賣
浮詞。蔑視制詞。不遵前旨。着法司提了問。欽此。比時嘉
靖初年。誥勅之文視成化弘治雖爲稍繁。然尚未如
近年之甚也。竊以禮貴從先。辭尚體要。况命令之辭
乃一代典制。傳之四方。垂之後世。所關非小。此係臣等

職掌不容不爲釐正伏乞 皇上念 朝廷體統之當
尊。國家典制之當守。勅下臣等。戒諭各撰述官
自今以後凡爲 制誥必須復古崇實毋得徇情飾辭
以壞 制體及文字未經 進呈亦毋得預行傳示以
市私交如此庶 王言重 國體尊而臣等亦得以守
其常職矣

論邊事疏

老成鎮定
有元國風

昨該遼東巡撫張學顏等報稱達賊二十餘萬謀犯遼
東前哨已到大寧請兵請糧急於星火至於上厯 聖
慮一面諭臣等虜寇猖獗深以爲憂此時臣等已即

面奏暑月非虜騎狂逞之時料無大事請寬聖懷今據薊鎮總兵官戚繼光揭稱諸酋久已解散時下正議掣兵及臣等使人於宣府密探西虜青把都動靜則本酋一向在巢住牧未嘗東行遼東所報皆屬夷誑賞之言絕無影響數日以來更不聞消息矣臣等因此反切憂慮夫兵家之要必知彼已審虛實而後可以待敵可以取勝今無端聽一訛傳之言遽爾倉皇失措至上動九重之憂下駭四方之聽則是彼已虛實茫然不知徒借聽於傳聞耳其與風聲鶴唳草木皆兵者何異似此舉措豈能應敵且近日虜情狡詐萬一彼常以虛聲恐

我使我驚惶疲於奔命。久之懈弛不備。然後卒然而至。措手不及。是在彼反得先聲後實。多方以誤之之策。而在我顧犯不知。彼已百戰百敗之道。他日邊臣失事。必由於此。故臣等不以虜之不來爲喜。而深以邊臣之不知虜情爲慮也。兵部以居中調度爲職。尤貴審察機宜。沉謀果斷。乃能折衝樽俎。坐而制勝。今一聞奏報。遂爾張皇。事已之後。又寂無一語。徒使君父日焦勞於上。以憂四方。而該部以題覆公牘。謂足以了本兵之事耳。臣等謂宜特諭該部。詰以虜情虛實之由。使之知警。且秋防在邇。薊遼之間。近日旣爲虛聲所動。征調疲困。

殺時之言
好生之意

恐因而懈怠、或至疎虞、尤不可不一儆戒之也、臣等愚見如此、伏惟聖明裁斷施行

論決重囚疏

昨該司禮監太監孫得勝口傳聖旨、奉聖母諭、今歲太喜、命臣等於刑科三覆奏本上擬旨、暫免行刑、欽此、仰惟聖母慈悲不殺之仁、皇上將順好生之美、臣等敢不仰承以廣德意、但查我祖宗舊制、凡官吏軍民人等犯該死罪、有決不待時者、有監至秋後者、鞫問既明、悉依律處決、未有淹禁累年不行處斷者、至嘉靖末年、世宗皇帝以齋醮奉玄、始有暫免不決

之令或間從

御筆所勾量行處決然此實近年姑息

之弊非我

祖宗垂憲之典也夫春生秋殺天道所以

運行雨露霜雪萬物因之發育若一歲之間有春生而

無秋殺有雨露而無雪霜則歲功不成而化理或滯矣

明王奉若天道其刑賞予奪皆奉天意以行事書曰天

命有德五服五章哉天討有罪五刑五用哉若棄有德

而不用釋有罪而不討則刑賞失中慘舒異用非上

天所以立君治民之意矣臣等連日詳閱法司所開重

犯招情有殺祖父母母者有毆死親兄及同居尊屬

者有殺一家非死罪三人者有強盜劫財殺人者有鬪

毆逞兇登時打死人命者據其所犯皆絕滅天理傷敗
彝倫仁人之所痛惡覆載之所不容者天欲誅之而
皇上顧欲釋之其無乃違上天之意乎康誥曰惟迪茲
不于我政人得罪天惟與我民彝大潛亂曰乃其速由
文王作罰刑茲無赦言彼寇攘姦宄不孝不友之人所
犯至於如此若爲政者不加以以刑則天與我明之常
道將至于泯滅而壞亂必須速依文王所作之法刑之
而無赦此書乃 皇上近日所講習者夫文王視民如
傷古所稱仁聖之主而於此等之人亦必刑之而無赦
者良以爲惡之人彼自蹈於刑辟雖欲生之而不可得

也。且稂莠不鋤、嘉禾不茂、冤憤不泄、戾氣不消、今聖
母獨見犯罪者、身被誅戮之可憫、而不知被彼所戕害
者、皆含冤蓄憤於幽冥之中。明王聖主不爲之一泄。
彼以其怨恨冤苦之氣鬱而不散、上或蒸爲妖沴、氣祲
之變、下或招致凶荒疫癘之災、則其爲害又不止一人。
一家受其荼毒而已。獨奈何不忍於有罪之兇惡、而反
忍於無辜之良善乎。其用仁亦舛矣。況此等之人、節經
法司評審、九卿大臣廷鞫、皆已衆證明白、輸服無辭、縱
使今年不決、將來亦無生理、不過遲延月日、監斃牢獄
耳。然與其暗斃牢獄、而人不及知、何如明正典刑、猶足

以懲奸而伸法乎、法令不行、則犯者愈衆、年復一年、充
滿囹圄、旣費關防、又虧國典、其於政體又大謬也、伏願
皇上念上天之意、不可違、祖宗之法、不可廢、毋惑於
浮屠之說、毋流於姑息之愛、奏上、聖母、仍將各犯照
常行刑、以順天道、若聖心不忍盡殺、或仍照去年例、
容臣等揀其情罪尤重者、量決數十人、餘姑牢固監候、
俟明年大婚、古典告成、然後槩免一年、則春生秋殺、
仁昭義肅、並行而不悖矣、臣等叨與密勿、此關係朝
廷大政、祖宗舊典、不敢不盡其愚、伏惟聖明裁擇、
再乞酌議、大閱典禮、以明治體、疏

有大臣之
心有大臣
之義

近該南京刑科給事中駱問禮奏稱 大閱古禮非今
時所急不必仰煩 聖駕親臨等因緣臣於去年七月
條陳六事內一款飭武備中議及前事荷蒙 聖明採
納允行原臣本意止以京營戎務廢弛日久緩急無備
先年雖屢經言官建白該部題奉 欽依釐革整飭迄
今數十餘年竟無成效臣竊以爲國之大事在戎今人
心懈惰如此若非假借 天威親臨閱視不足以振積
弱之氣而勵將士之心又自 皇上御極以來如 耕
藉以示重農之意視學以彰崇儒之美一一大典禮皆
已次第舉行則 大閱之禮亦古者聖王詰兵治戎安

不忘危之意且稽之 列聖實錄在 祖宗朝亦間有
行者遂爾冒昧具奏上請其意但欲借此以整飭戎務
振揚威武而已然自臣原疏觀之此不過飭武備中之
一事其惓惓納忠之意委不在此揆之當今時務委非
所急今駱問禮欲乞 皇上先其所急 留神萬幾以
勵廢職此誠根本切要之論又謂累端宜防 巡幸宜
謹尤爲計慮深遠非臣淺陋所及臣聞人臣進言於君
不必其說之盡行事有至當之論不必其初之爲是况
臣職忝輔導一言一動務合天下之公尤不宜拂衆論
而執己見以爲是也伏乞 勅下該部再加詳議如果

事體未便不必另議停止夫始以爲可行而行之繼以爲當止而止之唯求以造於國家耳輔臣科臣之言何擇焉臣若不自言之該部無從酌議輒敢冒昧瀆奏伏乞聖明俯覽愚誠不勝幸甚

請戒諭羣臣疏

有平康正
蘊氣象而
救劉臺疏
云其心雖
不可知得
無與此論
微矣乎

茲者大小臣工自陳考察俱已竣事一時朝政始覺更新但人心陷溺已久宿垢未能盡除若不特行戒諭明示以正大光明之路則衆心無所適從化理何由而致臣等謹擬勅諭一道具稿呈覽伏乞聖明裁定發下寫完用寶於本月十六日早朝特召

吏部官捧出集百官於午門外宣諭施行。皇帝勅諭文武羣臣。蓋聞理道之要在正人心、勸阻之機先示所向、朕以冲幼、獲嗣不基、夙夜兢兢、若臨淵谷、所賴文武賢臣同心畢力、弼予寡昧、共底昇平、乃自近歲以來、士習澆漓、官方剝缺、鑽闕隙、竇巧爲蹤、取之媒、鼓煽朋儔、公事擠排之術、詆老成廉退爲無用、謂讒佞便捷爲有才、愛惡橫生、恩讐交錯、遂使朝廷威福之柄、徒爲人臣酬報之資、四維幾至於不張、九德何由而咸事、朕初承大統、深燭弊源、亟欲大事芟除、用以廓清氛濁、但念臨御茲始、解澤方覃、銛鋤或及於芝蘭、密網恐驚乎

鸞鳳是用去其太甚。薄示戒懲。餘皆曲賜矜原。與之更始。書不云乎。無偏無黨。王道蕩蕩。無黨無偏。王道平平。朕方嘉與臣民。會歸皇極之路。爾諸臣亦宜痛湔宿垢。共襄王道之成。自今以後。其尚精白乃心。恪恭乃職。毋懷私以罔上。毋持祿以養交。毋依阿譎諂以隨時。毋尊昏嚮訛以亂政。任輔弼者。當協恭和衷。毋昵比於淫朋。以塞公正之路。典銓衡者。當虛心鑑物。毋任情於好惡。以開邪枉之門。有官守者。或內或外。各宜分猷念。以濟艱難。有言責者。公是公非。各宜奮讜直。以資聽納。大臣當崇養德望。有正色立朝之風。小臣當砥礪廉隅。有退

食自公之節。庶幾朝清政肅。道泰時康。用臻師師濟濟之休。歸於蕩蕩平平之域。爾等亦宜垂功名於竹帛。綿祿蔭於子孫。顧不美歟。若或沉溺故常。堅守塗轍。以朝廷爲必可背。以法紀爲必可干。則我祖宗憲典甚嚴。朕不敢赦。百爾有位。宜悉朕懷。欽哉。故諭。

請裁定宗藩事例疏

先該臣等題奉 欽依重修 大明會典節奉 勅諭

卿等宜督率各官。悉心講究。以成一代畫一經常之典。昭示無極。欽此。欽遵。隨開館纂修間。臣等看得各衙門事例。惟禮曹爲繁。國家典章。亦惟禮制爲重。乃屬纂

議禮最難
宗藩難之
難矣聞傳
可查至二
十年以上
者有看落
不能數十
年者鮮矣

公所斟酌
良是人言
公標切非
也

修官先將禮曹纂完送副總裁官看改然後呈送臣等
刪潤近該副總裁禮部尚書潘晟等將各官所纂禮曹
事例參互考訂呈稿到閣臣等仔細參詳國家典禮
如儀制秩祀等項皆出祖宗列聖睿思親定至精極
當臣等不敢妄議但次其年月刪其重複分類編錄足
垂永久惟宗藩一事條例最繁前後事體參差不一
似皆因時立法未能悉協于中至嘉靖四十四年該禮
部題覆言官建議始定爲宗藩條例一書頒布天下
比時禮官亦自以稽考累朝典制博采諸宗建白斟酌
損益旣殫厥心矣然以臣等愚見觀之揆諸事理尚

多有未當者、推原其意、徒以天潢支派浩繁、祿糧匱乏、國家之財力已竭、宗室之冒濫滋多、不得不曲爲隄防、嚴加裁抑、顧集議之始、未暇精詳、中間彼此矛盾、前後牴牾、或減削太苛、有虧敦睦、或擬議不定、靡所適從、或一事而或予或奪、或一令而旋行旋止、或事與理舛、窒碍難行、或法與情乖、輕重失當、徒使奸猾得以滋弊、有司無所持循、略舉數端、可知其槩、如親王樂工二十七戶、乃高皇帝所定、載在會典、蓋以藩王體尊、其燕饗皆得用樂、不獨迎接詔勅爲然、今乃槩從裁革、此減削太苛、事例之未妥者也、又如親王

故絕既許爲之繼封以重大宗又云親弟親姪方許請繼及查例行之後亦有不由親弟親姪而繼封者此議擬不定亦事例之未妥者也又如郡王初封者爵秩雖同然有帝孫王孫之異亦當視其親疎以爲差等今房屋等項一槩停給此親無隆殺亦事例之未妥者也又今文官三品以上皆得給與祭葬郡王體亞親藩乃身後墳價槩從停給此恩卹太薄亦事例之未妥者也又如郡王故絕者不准襲封而以罪革奪者反得襲封將軍等未有子者許選繼室而親郡王未有子者乃反不許選繼擅婚庶人名糧止給五十石而罪

宗庶人乃得七十餘石。又歷世不減。此恩紀失倫。亦事
例之未妥者也。又如郡王與親王同城住居。故絕
者止以本等官職奉祀。而另城郡王故絕者。其子又
得世授鎮國將軍。此事同例異。亦事例之未妥者也。又
如擅婚子女。不定年限。槩從查革。有一府而至數百位
者。于法不可盡革。不革則又廢法。此釐革無序。亦事例
之未妥者也。又如郡王故絕。與以罪革降者。事體原
自不同。其冊印亦當分別進繳。今乃槩從繳奪。此混施
無別。亦事例之未妥者也。又如濫妾及花生傳生子女。
冒請名封。將保勘宗室。通行革奪。長史等官。俱問發邊

衛充軍及流官寄籍奏請選婚者革退另選將被選之人發邊衛充軍遇赦不宥此立法太嚴亦事例之未妥者也諸如此類尚不可以悉數夫令所以布信數易則疑法所以防奸二三則玩見今該部處置宗藩事情悉用此爲準因時救弊似亦未爲大害但欲勒成簡冊昭示將來則必考求國體審察人情上不虧展親睦族之仁下不失酌盈濟虛之術使情法允協哀益適宜乃足爲經常可久之規垂萬世不刊之典今觀其例議實多未妥臣等欲因仍紀載則恐事理不順有碍施行欲徑從改易則先皆題奉欽依今不敢以臆見擅

爲更定。照得萬曆四年六月內該禮部題爲名封事。奉
聖旨。這宗室濫妾所生子女。于例已不許請名請封。乃
至今改姓易籍。發爲編民。殊非情理之當。見今重修會
典。此等條例。都着議擬停當。改正行欽此。合無 敕下
禮部遵照。前旨。將前項條例。再加斟酌。并 累朝見
行事例。係閑 宗藩者。悉行哀集。分類編錄。仍會同多
官。議擬停當。上請 聖裁。著爲憲令。然後開送。臣等纂
入 會典。庶法以畫一而可守。令以堅信而不移。懸諸
日月。萬世無弊矣。緣係纂修事理。臣等未敢擅便。謹題
請 旨。

請清汰近習疏

御祖朝政
每日爭光
自宸衷
陶聖母
慈訓非盡
由輔弼也
此可備千
秋一鑑

伏蒙 聖諭、昨朕有御筆帖子、先生看來未曾、孫海客
用朕越思越惱、這廝亂國壞法、朕今又降做小火者發
去南京 孝陵種菜、先生等既為輔臣、輔弼朕躬、宗
廟 社稷所係非輕焉、忍坐視不言、先生等既知此事
就該諫朕、教朕為堯舜之君、先生等也為堯舜之臣、朕
今奉 聖母聖諭教誨、朕悔過、逝去奸邪、先生等各要
盡心輔朕、欽此、該文書官丘得用、恭捧到閣、臣等恭誦
綸音、不勝欽仰、不勝惶愧、仰惟 皇上天挺聖資、幼而
聰穎、自 臨御以來、講學勤政、聖德日新、臣等每

自慶幸以爲親逢堯舜之主。庶幾復見唐虞之治矣。乃數月之間。慘窺聖意所向。稍不如前。微聞宮中起居頗失常度。臣等心切憂惶。但身隔外庭。不知內事。即有所聞。未敢輕信。而朝廷庶政未見有關。故不敢妄有所言。然前者恭侍日講。亦曾舉孔子益者三樂。損者三樂。并益者三友。損者三友。兩章書。請皇上加意省覽。蓋亦陰寓諷諫之意。又數日前曾問文書官云。近臣聞皇上夜間遊左右近習皆持短棍兵器。此何爲者。乃文書官回說並無此事。臣等亦遂以所聞爲妄。不敢復言。連日因覩御筆帖子處治孫海客用兩人

因而詢訪始知此兩人者每日引誘皇上愛間遊宴

別宮釋去法服身着窄袖小衣長衿走馬挾持刀仗又

數進奇巧戲玩之物以蠱惑上心希圖寵幸臣等連

日寢食不寧神爽飛越可惜天生聖主被這幾箇奸

佞小人引誘蠱惑一至於此擬俟日講時面奏諫

勸以盡愚忠乃蒙聖母諄諄教戒皇上幡然改悔

迸去奸邪引咎自責又宣諭臣等盡心輔導此蓋

九廟列聖之靈默啓我聖母之心形之譴責陰佑我

皇上之心自悔前非也夫人孰無過惟過而能改則復

於無過自茲以往皇上依然爲堯舜之主臣等亦

幾可勉爲堯舜之臣矣。宗社生靈曷勝慶幸。但古語云、樹德務滋、除惡務盡。臣等竊聞近日引誘之人、在孫海客用、固爲尤甚。而其中諂佞希寵放肆無忌者、尚不止此二人。如司禮監太監孫德秀、溫恭兵仗局掌印周海者、皆不良之人。其罪亦不在孫海客用之下。今皇上旣將此二人寘之於法、以示悔過自新之意。則孫德秀等亦不宜姑容在內。以爲聖德之累。伏望皇上大奮乾斷、將孫德秀等一體降黜、以彰日日月月之明。其司禮監管事牌子等官、平日爲忠爲佞、諒莫逃於聖鑒。合無俱令自陳請自。聖斷。老成廉謹者、照舊管事。

諂佞放肆者悉加汰黜且近日皇穹垂象慧芒掃宦者之星亦宜大行掃除以應天變以光盛德此皇上修德改過之實政也臣等又聞漢臣諸葛亮云宮中府中俱爲一體陟罰臧否不宜異同臣等待罪輔弼宮中之事皆宜與聞臣居正又親承先帝遺命輔保聖躬比之二臣責任尤重今乃徒避內外之嫌不行直言匡救以致皇上有此過舉孤負先帝付託之言萬死不足以自贖除痛自省勵以圖報稱外既蒙皇上明發德音昭示聖意臣等此後亦不敢復以外臣自限凡皇上起居及宮壺內事但有所聞即竭忠數

奏及左右近習有邪佞不忠如孫海客用等者亦不避
嫌怨必舉祖宗之法奏請處治仍望俯允施行
皇上亦宜仰遵聖母慈訓痛自改悔戒遊宴以重
起居專精神以廣胤嗣節賞賚以省浮費卻珍玩
以端好尚親萬幾以明庶政勤講學以資治理庶
今日之悔過不爲虛言將來之聖德愈爲光顯矣臣
等無任瀝血哀懇之至伏惟聖慈鑒宥

請敷陳謨烈以裨聖學疏

先該臣等面奏皇上春秋鼎盛宜省覽章奏講
究治理于字書小學不必求工以後日講請暫免

公又有上
世宗御書
皆錄相之
大者

進字容臣等將諸司題奏緊要事情至御前講解一面請裁決伏奉俞旨臣等欽遵舉行外但數月以來應奏事件與日講之期多不相值或係常行細務又不敢煩瀆聖聰即恭侍講讀須臾而畢拱默而退不得供奉燕閒從容陳說雖欲竭悃款之愚效獻替之益其道無繇非臣等面請奏事之初意也頃奉聖諭責臣等以盡心輔導臣等夙夜思惟圖所以仰承德意啓沃聖心者竊以爲遠稽古訓不若近事之可徵上嘉先王不如家法之易守昔伊尹周公矢謨作誥撮其大指不過兩言曰明言烈祖之成德曰覲揚文武

之光烈。而唐憲宗讀貞觀政要竦慕不能釋卷。宋仁宗
命侍臣讀三朝寶訓及祖宗聖政錄。前史書之皆爲盛
事。良以羹牆如見。自不忘繼志之思耳。目既真。又足爲
持循之地。守成業而致盛治。莫要于此。仰惟我二祖
開創洪業。列聖纂紹丕圖。奎章睿謨則載之寶
訓。神功駿烈則紀之實錄。其意義精深。規模宏遠。樞
機周慎。品式詳明。足以邁三五之登閔。垂萬億之統緒。
此正近事之可徵。家法之易守者也。夫皇上所踐
者。祖宗之寶位。所臨者。祖宗之臣民。所撫馭者。
祖宗之輿圖。所憑藉者。祖宗之威德。則今日之保

泰持盈興化致理。豈必他有所慕稱。上古久遠之事哉。
惟在 皇上監于 成憲能自得師而已矣。臣等謹屬
儒臣將 累朝 寶訓 實錄副本逐一檢閱分類編
摩總計四十款曰創業艱難曰勵精圖治曰勤學曰敬
天曰法祖曰保民曰謹祭祀曰崇孝敬曰端好尚曰慎
起居曰戒遊佚曰正宮闈曰教儲貳曰睦宗藩曰親賢
臣曰去奸邪曰納諫曰理財曰守法曰警戒曰務實曰
正紀綱曰審官曰久任曰重守令曰馭近習曰待外戚
曰重農曰興教化曰明賞罰曰信詔令曰謹名分曰却
貢獻曰慎賞賚曰敦節儉曰慎刑獄曰褒功德曰屏異

端口飭武備曰御夷狄雖管窺蠡測之見未究高深而
修德致治之方亦已略備矣但簡冊浩繁遽難卒業容
臣等次第纂輯陸續 廷呈擬俟明歲開講以後每
晨講既畢臣等恭詣 文華後殿講解 訓錄一二條
粗述大指如 皇上偶有疑難即望 而賜諮詢或臣
等竊有見聞亦得隨事獻納其諸司章疏有緊要者即
於講後面奏請 裁多寡有無不均程限但使工夫
接續時日從容自可以開發 聰明亦因以練習政事
伏望 皇上留神聽覽黽勉力行視 訓錄之在前如
祖宗之在上念念警惕事事率由且誦法有常緝熙無

間即 燕息深宮之日猶 出御講幄之時則 聖德
愈進于高明 聖治益躋于光大而臣等區區芹曝之
忠亦庶幾少效萬分之一矣

書

答少司馬楊二山

張居正

隱以政事
而清談遂
窮

比來士習人情漸落晚宋窠臼中有識者雖心憂之而不敢言僕不揣淺陋妄有所陳猥辱高明特垂鑒獎感謝感謝賈生有言使管子而愚人也則可使管子而少知治體則豈不爲之寒心哉今遇清明之朝當改絃之會而不相與勵翼協力共圖實事猶欲守故輒驚虛詞則是天下之事終無可爲之時矣來教謂自今祇論事功以爲黜陟凡稱清稱高談玄及議論無實者一切斥之不顧旨哉旨哉言乎

與薊遼督撫

薊事仗公雄略。有漸振之勢。慰甚。入衛之師。疲於奔命。人人以爲不便。然而終不可裁者。勢誠不能也。太疏已明。無容復議。威帥不知近日舉動。何如折節以下士夫。省文以期實效。坦懷以合睽貳。正已以振威稜。乃渠今日最切務也。相見幸一勉之。

答王鑑川計貢市利害

今之議者。皆謂講和示弱。馬市起釁。爲此言者。不惟不忠。蓋亦不智甚矣。夫所謂和者。謂兩敵相角。智醜力均。自度未足以勝之。故不得已而求和。如漢之和親。宋之

解和交勉

平文淵以
爲本朝
當盡唐
朝宋此
當然唐
若八

獻納是制和者在夷狄而不在中國故賈誼以爲倒懸
寇公不肯主議今則彼稱臣納款效順乞封制和者在
中國而不在夷狄比之漢宋之事萬萬不侔獨可謂之
通貢而不可謂之講和也至于昔年奏開馬市官給馬
價市易胡馬彼擁兵壓境恃強求市以款段駑罷索我
數倍之利市易未終遂行搶掠故先帝禁不復行今
則因其入貢之便官爲開集市場使與邊民貿易有無
稍爲之約束毋得闌出中國財物及應禁者其期或三
日或二日而止如遼開原事例耳又豈馬市可同語乎
且此事有五利焉虜旣通貢邏騎自稀邊鄙不聳穡人

成功一利也。防守有暇。可以修復屯田。蓄吾士馬之力。歲無調援。可省行糧數十百萬。二利也。土蠻吉能每借俺酋以爲聲勢。俺酋旣服。則二虜不敢輕動。東可以制土蠻。西可以服才能。三利也。趙全等旣戮。板升衆心已離。我因與虜約。有願還者。必勿阻之。彼旣無勾引之利。而又知虜之不足恃。則數萬之衆。皆可漸次招來。曹州之地。可虛矣。四利也。彼父子祖孫。情乖意阻。胡運將衰。其兆已見。老酋死。家族必分。不死。必有冒頓呼韓之變。我得因其機而行吾之計。五利也。凡此皆五利。古之謀臣策士。所爲禱祀而求者也。而今之議者。獨以邊將不

得擣巢。家丁不得趕馬計私家之害。忘公室之利。遂失此機會。不爲國家審圖。故僕以爲爲此言者。不惟不忠。蓋亦不智甚矣。至于桑土之防。戒備之慮。此自吾之常事。不容一日少懈者。豈以虜之貢不貢而有加損乎。今吾中國親父子兄弟相約也。而猶不能保其不背。況夷狄乎。但在我制御之策。自合如是耳。豈能必虜之不吾背乎。數十年無歲不掠。無地不入。豈皆以背盟之故乎。即將來背盟之禍。又豈有加於此者乎。利害之歸。較若黑白。而議者猶嗷嗷以此爲言。故僕又以爲不智甚矣。劉院旣知此事顛末。又與公同心。必能共襄大事。幸

採取其議及鎮守兵備以下所呈折以高見并圖上貢額貢期市易事宜僕與玄老當備聞於上請旨行之浮議雖多不足恤也

答三邊總督戴晉菴

吉酋既歿其子得如三衛例襲替請貢大疏甚善但鄙意謂宜令順義爲之代請蓋昔之乞封貢馬皆出俺荅意今以此委之則西部有所約束而中國之體益尊且其子尚未回亦未可不俟其求而遽與之也鄙見如斯不知可否惟公熟計其便

與王鑑川言虜王貢市

前後奉翰教情款備至不勝感念虜王表貢該部已願
請封進今歲所貢鞍轡弓矢視舊精美亦足以驗其誠
惻無他也。昆婦愚悍似無來期永邵卜雖爲所牽終貪
嗜閨市財物可招而致然皆無足爲輕重第常以大義
責之時出小利誘之毋令東合土蠻爲薊鎮害足矣辱
示撫賞冊據三鎮二歲之中所費不過萬餘而所省已
百餘萬若所全活邊氓老穉又不啻數十百萬矣。唐代
宗親叩首於葉護馬前爲百姓請命父老觀者皆爲流
涕口。廣平王真華夷主也。今所與虜者國家不啻若
九牛一毛而所獲茲如此若公與僕所爲國謀者忠

乎否耶。而嗷嗷者猶以爲言。是其識反出長安父老下
矣。幸主上雖在冲年。已具大有爲之度。近又日御便
殿講讀。因而商確政事。從容造膝。動息必咨。僕亦得以
罄竭忠悃。知無不言。言無不信。擬於表貢後。當以邊事
虜情。細細陳奏。且以明公任事之忠。塞嗷嗷之口。俟山
陵畢後。乃得暇耳。公幸自信自堅。勿以浮言爲介。令甥
鳳盤人去。草草附此。

答巡漕張懷洲

轉漕以河道爲正。海運備不虞。此誠確論。昨已告之計
部。每歲一十二萬之外。升合不得有加。王君銳意任事。

而頗有好功之病。海運初開。小有失損。無害大計。何必諱言處補乎。然其才足倚。未可深責也。

言其然其下其外木也

其

言其然其下其外木也

其

其

